

DS
793
S32 T283
1729
v.3



册 3
卷 5-6

新志卷之五

同知平陽府事濟寧潘 礎系輯

知猗氏縣事文登宋之樹重輯

人物

唐虞夏商之後有興元體比隆者其惟周之八士乎猗
邑當堯舜之時空通幾向時雍風動自多聰明處知之
才而惜乎其不可致也惟八士伯仲一褐崩潰於嶮巇
暴族中亦天關之瑞矣繼此而名賢蔚起和業有人忠
諫有人經術有人吏治有人出而舟楫鹽梅入而箕山
顓臾龍鳳虎指不勝屈豈非拔與磅礴所積而養之

猗氏縣志卷之五

同知平陽府事濟寧潘 鋹纂輯

知猗氏縣事文登宋之樹重輯

人物

唐虞夏商之後有與元愷比隆者其惟周之八士乎猗
邑當堯舜之時密邇畿甸時雍風動自多聰明睿知之
才而惜乎其不可攷也惟八士伯仲一碣崩潰於巉岨
暴漲中亦天開之瑞矣繼此而名賢蔚起相業有人忠
諫有人經術有人吏治有人出而舟楫鹽梅入而箕山
潁水雲龍風虎指不勝屈豈非扶輿磅礴所積而發之

者哉雖運會之隆亦邦家之光矣

周

伯達 伯适 仲突 仲忽 叔夜 叔夏 季隨

季騶

史失其姓蓋四乳而生八子魯論稱周有八士記人材之盛也故里在縣北十里南景村有墓在焉

明隆慶初水澱崩露石刻籀篆僅辨八士數字土人呼為八侍郎墳

考魯論武王亂臣十人註有南宮适又汲冢周書克殷解乃命南宮忽振鹿臺之財巨橋之粟乃命南宮伯達史佚遷九鼎三巫按三人名既與魯論八士名同又皆南宮氏則八士乃武王時人而南宮其姓也世傳逸周書出於晉世然司馬遷史記所載克殷一段與汲冢書大同則是漢以前故有其書也

晉

王

蔚

世修儒史之學魏中領軍曹羲作至公論蔚善之而著至機論辭義甚美官至夏陽侯相祀鄉

賢祠

王

接

字祖游幼喪父哀毀過禮同郡馮收薦之於河

而無兄弟母老疾篤故無心為吏及母終柴毀骨立
居墓次積年備覽衆書多出異議泰山羊亮為平陽
太守薦之於司隸校尉王堪出補都官從事永寧初
舉秀才友人滎陽潘滔遺接書曰贊虞亡元仁竝謂
足下應和鼎味可無以應秀才行接報書曰今世道
交喪將遂剝亂而識智之士鉗口韜筆禍敗日深如
火之燎原其可救乎非榮斯行欲極陳所見冀有覺
悟耳是歲惠帝復阼以國有大慶秀才皆不試接除
中郎補征虜將軍司馬蕩陰之役侍中嵇紹為亂兵
所害接議曰蕩陰之役百官奔北唯嵇紹守職以禦
不道可謂臣矣又可稱痛矣今山東方欲大舉宜明
高節以號令天下依春秋褒三累之義加紹致命之
賞則遐邇向風莫敢不肅矣朝廷從之及東海王越
率諸侯討顯尚書令王堪統行臺上請接補尚書殿
中郎未至而卒年三十九接嘗更注公羊春秋論衡
恒王庭堅考正汲冢書詳其得失又撰列女後傳雜

論議詩賦碑頌駁難十餘萬言祀鄉賢祠子愆期

王愆期

後傳官督護蘓峻之亂温嶠遣詣荊州要陶侃

同赴國難侃雖許而未發愆期因謂侃曰峻豺狼也如得遂志公寧有容足之地乎侃深感悟即戎服登舟晝夜而進後愆期為右司馬侃卒遺表以後事付焉祀鄉賢祠

元魏

樊

遜

字孝謙祖琰父衡竝無官宦而遜少好學兄仲

安逸可不愧於心乎欲同勤事業母曰汝欲謹小行和遜感母言遂專心典籍恒書壁作見賢思齊四字

以自勵屬本州淪陷寓居鄴中渠監擢為主簿薦之於右僕射崔暹為賓客人有譏其靜默不能趨時者

遜常服東方朔之言陸沉世俗遂借陸沉公子為主

人擬客難制客誨以自廣後遜徙居陳留梁州重舉遜為秀才尚書掾第以遜為當時第一清河王岳率衆南討以遜從軍假遜大行臺郎中使於江南與蕭

修侯瑱和餅遜往還五日得報書修盟於江上詔令
校定羣書遜議請牒借本叅校始無遺闕楊愔嘗使
孝謙代已作書以告晉陽朝士令魏氷潤色之収不
能改一字楊愔言於衆曰後生清俊莫過盧思道文
章成就莫過樊孝謙几案斷割莫過崔成之遂以三
人竝員外將軍孝謙辭曰門族寒陋訪第必不成乞
補員外司馬督愔曰才高不
依常例特奏用之祀鄉賢祠

後周

樊

深字文深事繼母甚謹魏永安中隨軍征討以功
累遷中散大夫孝武西遷深父保周叔父歡周
並被東魏害深因避難墜崖傷足絕食再宿後得二
簞餅欲食之念繼母老痺夜中匍匐覓母得見因以
饋母遁易姓名遊學於汾晉間習天文及筭歷之術
後周文平河東贈保周南郢州刺史歡周儀同三司
深歸葬其父負土成墳尋而于謹引爲府叅軍事周
文置學東館教諸將子弟以深爲博士深性好學老而
不怠朝暮還往常據鞍讀書至馬驚墮地損折肢體
終亦不改遷縣伯中大夫加開府儀同三司尋乞骸

骨詔許之朝廷有疑義常召問焉撰孝經喪服問疑各一卷又撰七經異同三卷祀鄉賢祠

樂

遜

字遵賢幼有成人之操從徐遵明受孝經喪服論語詩書禮易左氏春秋大義周文召遜教授

諸子閔帝踐阼以遜有理務材除秋官府上士轉小師氏下大夫自譙王儉以下竝束修行弟子之禮武成元年六月以霖雨經時遜陳時宜十四條切於政要保定中以訓導有方遷遂伯中大夫詔魯公斌舉公賢等同受業焉遜以年在懸車上表致仕優詔不許授湖州刺史封安邑縣子人多蠻左未習儒風遜勸勵生徒加以課試數年之間化洽州境秩滿拜皇太子諫議進爵崇業郡公進位開府儀同大將軍以老病固辭詔許之仍賜安車衣服遜性柔謹寡交遊立身以忠信為本不自矜尚每在衆言論未嘗為人立先學者以此稱之所著孝經論語毛氏左氏春秋序論十餘篇祀鄉賢祠

隋

陳

茂

家世寒微質直恭謹為州里所敬文帝為隋國公引為僚佐每令典家事未嘗不稱旨後從帝

與齊師戰於晉州賊甚盛帝將挑戰茂固止不得因
捉馬鞍帝忿之拔刀斫其額流血被面詞氣不撓帝
感而謝之厚加禮敬及受禪拜給事黃門侍郎封魏
城縣男每典機密在官十餘年轉益州總管司馬遷
太府卿進爵
為伯子政

陳

政字宏道倜儻有文武大略善鍾律便弓馬年十

七為太子千牛備身後授協律郎遷通事謁者
兵曹承務郎歸唐為梁州
總管父子俱祀鄉賢祠

唐

杜如晦

故里在縣南十里杜
村堡事詳唐書列傳

張嘉貞

字嘉貞本范陽舊姓高祖子吒仕隋終河東郡
丞遂家蒲州為侍氏人以五經舉補平鄉尉坐

事免長安中御史張循憲使河東事有未決病之問
吏曰若頗知有佳客乎吏以嘉貞對循憲召見咨以
事嘉貞條析理分莫不洗然循憲大驚試命草奏皆
意所未及它日武后以為能循憲對皆嘉貞所為因

請以官讓后召見內殿拜監察御史累遷兵部員外
郎時功狀盈几郎吏不能決嘉貞爲詳處不越旬廷
無稽牒進中書舍人歷梁秦二州都督并州長史政
以嚴辦吏下畏之奏事京師明皇善其政數慰勞褒
厥九姓新內屬雜處太原北嘉貞請置天兵軍綏護
其衆即以爲天兵使明年入朝或告其反按無狀帝
令坐告者嘉貞辭曰國之重兵利器皆在邊今告者
一不當即罪之臣恐塞言路且爲未來之患遂得減
死天子以爲忠且許以相及宋璟等罷帝欲果用嘉
貞而忌其姓名因閱大臣表疏舉一則嘉貞所獻遂得
其名即以爲中書侍郎同中書門下平章事遷中書
令居位二年善傳奏敏於裁遣數與張說不相能後
拜工部尚書爲定州刺史知北平軍事封河東侯久
之以疾丐還東都詔醫馳驛護視卒贈益州大都督
謚曰恭肅其始爲中書舍人崔湜輕之後與議事正
出其上湜驚曰此終其坐後十年而爲中書令嘉貞
雖貴不立田園有勸之者答曰吾嘗相國矣未死豈
有饑寒憂若以譴去雖富田產猶不能有也近世士
大夫務廣田宅爲不肖子酒色費我無是也引萬年
主簿韓朝宗爲御史卒後十餘歲朝宗以京兆尹見

帝曰陛下待宰相進退皆以禮身雖歿于孫威在廷
張嘉貞晚一息寶符獨未官帝惘然召拜左司禦率
府兵曹參軍
賜名延賞

張延賞

雖蚤孤而博涉經史通吏治大歷初除河南尹
諸道營田副使河洛當兵衝邑里墟榛延賞政

簡約輕徭賦疏河渠築宮廟數年流庸歸附都闕完
雄有詔褒美時罷河南山南等副元帥兵屯東都詔
延賞知留守以兵屬居五年治行第一召拜大夫不
滿所私出為淮南節度使歲旱民它遷吏禁之延賞
曰食者人恃以活拘此而斃不如適彼而生苟存吾
人何限為乃具舟遣之勅吏為修室廬已逋債而歸
者更增於舊累拜荆南劍南西川節度使建中中西
山兵馬使張拙襲成都為亂酣不設備延賞謀知之
遣將叱干遂捕斬拙復成都自楊國忠討南蠻三蜀
疲罄及乘輿臨狩糜用百出後更郭英乂崔寧楊子
琳亂益矜僭公私蕭然延賞事為之制薄入謹出府
庫遂實德宗在奉天貢獻踵道及次梁倚劍蜀為根
本即拜中書侍郎同中書門下平章事卒贈太保謚
曰成肅延賞更四鎮所至民頌其愛及當國早不幸

未及有所建明然帝待遇厚稱其
奏議有宰相體祀鄉賢祠子宏靖

張宏靖

字元理雅厚信直以蔭為河南叅軍裴延齡為
德陽公主治第欲徙宏靖先廟上疏自言德宗

異之擢監察御史累遷戶部侍郎陝州觀察使徙河
中節度使元和中拜刑部尚書同中書門下平章事

吳少陽死其子元濟擅總留務憲宗欲誅之宏靖請
先遣使者弔贈待不恭乃加兵詔可進中書侍郎封

高平縣侯武元衡遇害賊未得王承宗即斬卒張晏
被告詔付御史臺劾驗有狀宏靖疑御史傳致晏罪

言之帝不聽遂誅晏并討承宗宏靖曰戎事並興鮮
有濟不如悉力淮西已平乃治河朔議再迂乃歸政

以檢校吏部尚書同平章事為河東節度使未及鎮
詔伐承宗宏靖自以諫不聽思自効乃大閱兵請身

討賊詔許出軍無親往既王師無功帝憶曩言下詔
褒美宏靖亦遣使間道喻承宗承宗款附召拜吏部

尚書從節宣武承韓宏虐政代以寬簡民便安之後
充盧龍節度使旬一決事每詬責武士曰天下無事

而輦挽兩石弓不如識一丁字軍中銜之范陽復亂
詔貶太子賓客稍遷太子少師卒贈太子太保宏靖

少有令聞杜鴻漸杜佑皆器許歷臺閣顯級人以爲
有輔相才先第在東都思順里歷五世無所增葺時
號三和張家云子文規次宗裴度秉政引文規爲右
補闕累轉吏部員外郎出爲安州刺史終桂管觀察
使子彥遠博學有文辭乾符中至大理卿次宗開成
初爲起居舍人文宗始詔左右史立螭頭下記宰相
奏對既退帝召見審正是非故開成時事爲最詳以
稱職兼集賢院直學士文規左遷改國子博士史館
修撰李德裕再當國引爲考功員外郎知制誥出澧
明二州刺史卒孫茂樞字休府及進士第天祐中累
遷祠部郎中知制誥坐柳
璨事貶博昌尉祀鄉賢祠

張嘉祐

嘉貞弟有幹畧方嘉貞爲相時任右金吾衛將
軍昆弟每上朝軒蓋驕導盈閭巷時號所居坊

曰鳴珂里其後子姓徙居杜鎮至今書
香不絕二十五代孫飭珙佩光奉祀

附張氏世系嘉貞高祖子吒隋河東郡丞曾祖長度
唐銀青光祿大夫祖俊興相國府檢校郎將父思義
成紀丞嘉貞相元宗子延賞初名寶符相德宗孫宏
靖初名調相憲宗詔主客員外郎曾孫文規觀察使

次宗集賢院直學士景初殿中侍御史嗣慶河南少尹師質柳州刺史元孫彥遠大理卿茂樞祠部郎中

王

維

字摩詰九歲知屬辭與弟縉齊名開元初進士擢右拾遺歷監察御史安祿山反維爲賊得以

藥下利陽瘖祿山大宴凝碧池維賦詩悼痛賊平下獄或以詩聞行在時縉位已顯請削官贖維罪肅宗亦自憐之下遷太子中允終尚書右丞維工草隸善畫名盛於開元天寶間蓋天機所到學者不能及也

王

縉

字夏卿少好學與兄維俱以名聞舉草澤文詞清麗科上第歷侍御史祿山亂擢太原少尹佐

李光弼以功加憲部侍郎拜黃門侍郎同中書門下平章事加東都留守拜河南副元帥太原將王無縱

張奉璋恃功以縉儒者易之不如律令縉斬以徇諸將股慄再歲還以本官復知政事

考維縉二公史籍皆云太原人其來久矣按唐刺史王顏所撰倚氏侯王卓神道碑則維縉皆卓之後也

卓由太原徙倚氏因家焉其宗子離居四縣曰桑泉蒲州倚氏虞鄉分爲四房其所產人物分房紀之維縉

實倚氏房產也况卓子孫初籍桑泉即後牒官府自立太原鄉今牒文猶勒之石則當時卓之子孫自以

太原為重可知故後來由四縣王氏出仕者必曰太原人而後世因認為太原郡人則誤矣

金

薛繼先

字曼卿宋南渡後入洛西山隱居教授不接權要事母孝與人交謙遜和雅所居化之子純孝

字方叔有父風詩名於時有詐為曼卿書就方叔取物者曼卿年已老狀貌如少者客不知其為曼卿而以為方叔也而與之書曼卿如所取付之監察御史石玠行部過曼卿曼卿不之見或言君何無鄉曲情曼卿曰君未之思耳凡今時政未必皆善御史一有所劾將謂自我發之同惡相庇他日并隣里必有受禍者其畏慎皆此類壬辰之亂病歿宜陽父子俱祀鄉賢祠

陳

揮

其先自洛而徙家貧嗜學擢賢良方正官滋州司士曹有清操子顯正大中擢賢良方正拜儒

林即卒於官孫克基天德三年進士第一累官少中大夫國子監丞克基子仲謙幼穎悟授書即能通大義舉賢良方正任耀州三白渠規措使封潁川郡伯仲謙三子俱擢明經賡拜河東山西中書省議膺官

元

東平路勸農使追封潁川侯謚莊敬庾除提舉平陽學校膺子元凱元至元間明經官河東山西肅政廉訪使追封潁川郡侯謚宣靖元凱子敬立由明經累官開城路總管府治中陳氏七世舉明經者四人擢賢良方正者三人舉進士者一人科第蟬聯可謂盛矣惜其行事不少槩見無從追紀耳

趙

翔天歷初任西臺御史遷內臺御史祀鄉賢見舊志行實無考

明

孫

達字號不傳洪武十七年復行科舉達首與選聯進士志尚卓然不樂仕進每感時事寄情詩文

以自娛高風逸氣迥出塵表聞有道義相合者雖遠必赴否則接里閭不通往來也同年黃太常子澄練掌院子寧嘗禮延之相與吟咏見志靖難兵起黃練二公族誅達入山益深子孫莫知其處邑人王瑛爲之痛

卒

王

瑛

鄉貢倫子也字王潤聰穎絕人七歲能文十九

之痛孫達遜世匿名憂患成疾卒年二十有四子範

宏治間貢亦甘隱不出嘉靖中邑紳何中丞東序議

舉孫達王瑛王

璽合祀鄉賢焉

舊志瑛父曰倫任儀直丞子曰範鄉貢甘隱不仕考

藝文志林誌贈瑛序有曰嚴君以翰治清節贊政百

里是行也道過直定間趨從治所登堂獻彩則是瑛

釋褐時其父已筮仕矣而選舉志載倫貢於成化甲

午後於瑛求樂甲午且六十年宦地亦異豈求樂之

初更有一王倫者而志遺之耶不然何父子遲速壽

夭之不倫也抑範貢於宏治戊午距瑛之卒年已八

十餘矣而猶曰甘隱不仕何也又舊志謂瑛不負友

考求樂甲午前距孫達洪武乙丑蓋三十年達之年

雖不可知而瑛始弱冠則達不啻長三十歲矣即曰

忘年不應懸絕乃爾且達入山必在靖難之時至瑛

釋褐時已十三年至瑛歿時幾二十年則志所謂憂

友亡身者亦不相及也摠之事速代更傳聞

異詞必有訛誤姑仍其舊疑以傳疑可也

荆

詡

沂州判璞子幼穎悟端嚴弱冠受業薛文清門

統丁卯鄉試卒業北雍下帷講誦戶外履沓至詡終

日無倦容馮徽朱紳孫逢吉樊世傑為世名臣皆其

門人邑人宋鈞宋震皆受業以詩顯而暢發公道者

震居多焉官至青州同知多惠政祀名宦孫宴貢太

學仕茂山衛經歷

費宏雅器重之

翟

敬

字行簡宏治庚戌進士初授翰林院檢討以質

照磨轉休寧知縣縣故多秕政公至為洒新之平更

徭役增講學典禮尤慎理疑獄裁察出入惟允清刻

之操人所不堪時有翟青天之頌一日民舍火迫治

所公向火伏地拜風即反滅火陞任去休民搆遺愛

亭祀之累遷遼東行太僕寺少卿歸時囊無餘錢惟

衣帕一篋妻淑人桂棠猶龕綈越布云享壽九十有

六子凌

翰選貢

王

璽

字荆玉以茂才高等中宏治戊午鄉試嘗讀書

桃花洞中或掘得石有文曰大將王璽羣異之

辛未成進士除行人時公年頗長同年議當諱公笑曰未事君先欺君耶承命出使廉介自重世宗在藩詔公册封宴會常儀悉卻世宗特心識之轉食事監兵宣夏文武兼飭慶藩官校害民撫鎮多中傷者公摘伏強梁遣戍五十餘人王語人曰王僉事剛正不屈直山西人巡撫張潤身特薦重用會丁內艱徒跣就道軍民遮留號哭震地服闋除榆林兵備以疾乞休歸田十有五年足跡不入城市伏枕讀書絕無再起之念世宗入承統詢及璽而當路無力薦者時惜其才之未盡云卒年七十有九塋不克舉至撤屋以克焉至今鄉人有窮死王僉事之稱則其始終清介歷久而名益彰云

潘

銓

少未事學問年二十適市中部使者前導突過策令從役大以爲辱慟告於父母前欲就師讀

書父母謂年已長則慟曰人患無志耳宣問年乎此生不學不如無生於是往就學桃花洞中晝夜攻苦足跡不出外者三年遂補博士弟子員正德戊寅以文學貢於鄉由固原經歷陞臨淄令以清勤著聲家居醇謹讓業於伯兄戒子弟毋以氣凌人人稱長者舉鄉賓壽八十有五

何尚德

字汝修鴻臚濟曾孫初授書即善說書已有味於春秋大旨迎麻城陳君館塾卒業焉天姿穎

異於墳典多所披閱德器純粹望之如卿雲和璧中嘉靖壬午經元歷任同知祀金州名宦並祀鄉賢子東璧例貢東觀授義官東夏貢除官不赴中子東序相傳為中丞肖山文學政事卓冠一時者也

杜漸

字於達嘗從學於密令宋震經書子史皆貫穿如流嘉靖壬午舉鄉薦仕齊東令徙掖縣丁憂

服闋補商城肅宗南巡中貴索供億不遂中傷落職商民扶老携幼犯蹕請留不許立祠祀焉公性度冲和勸掖後學孜孜忘倦家居不免饑寒歿後十餘年汝南喻公按鹽河東下車首謂鄉士大夫曰吾素不識杜君每見商民談及未嘗不流涕因發金豎循良坊於門

何尚賢

尚德弟字汝思號仰山嘉靖甲辰進士歷南部郎為延安同知城守有功擢漢中知府擒劇賊



何勉致仕歸家居莊嚴子侄雖貴相見必肅侍立不懈謝交游宴會非吊問未嘗出閭子東麟東鳳

楊時芳

字道亨四歲能辨四聲十歲以童子謁令賈口試青燈夙負青雲志公應聲對曰赤縣長懸赤

子心令拊首嗟異十三歲試茂才高等置名河東河
中書院弱冠舉嘉靖庚子鄉薦以親老拜寶坻令邑
生子多聞公嚴禁之誦直寔用循良績遷慶陽別駕
督餉寧夏以勤敏稱公爲治舉綱振維不緣俗吏文
法中貴人捕銀魚止傳街公不刺謁擠公公曰以此
受污芬香多矣當之西塞或言其地荒涼公曰萬井
鹹水一陌沙蔥正吾着力處也及歸敝車羸馬恬淡
自處止留二石硯謂其子曰此若翁長物也弟聯芳
乙卯經魁早卒人嘆爲雙珠
失一子璠甲寅貢歷任教授

郭希湯

字汝懋號新菴少孤力學補庠廩生尋棄舉子
業讀書仁壽寺究心理性之學與王珍吾荆心

田先生往復剖晰著四書易詩書日錄性理三書一
覽律呂應問諸書以三經教授生徒遠近雲集任汝
亮何東鳳皆出其門尤工詩古文辭嘗自題畫像有
曰雖能面我面不能心我心一點操持處何不照示
入隆慶中巡按宋公檄表其門子孔殷孔固固字仲
鞏幼負神童之譽入闈不設坐板七藝腹稿立就始
謄真畧無填注塗抹竟厄秋棘已念毋老爲祿養計
遂以拔貢就蒲臺令惠澤在民廉隅自飭有鹽商以

白金置酒缶中密進者痛斥之尋以抗直忤
監司左遷遂拂袖而歸孫向宸見隱逸傳

何東序

字崇教號肖山丰姿傑特弱冠聯魁鄉會廷對
御題亦可謂亦可元也時有天子門生之譽初

授戶曹推臨清關以廉潔稱歷郎中督餉遼陽特詔
劾總兵楊照不勝回籍無何起補刑曹清執猶昔詔
逮楊選趙祖鵬獄欲置之死公曰古之用刑不得其
所以生乃死之今不得其所以死而死之非法也議
從末減忤上意出守徽州礦賊余相等嘯聚掠及徽
勢張甚公躬履行陣半月賊悉就擒創發初黥績四
城徽人懷焉以治逆犯羅文龍賊事任怨有不悅公者
索癥中公御史宋勲力爲白之事載兩朝憲章移守
衢州更蒞江開二城尋遷易州兵備道值駕大閱獻詩
上嘉之擢撫榆林出紅山塞大捷陞副都御史會丁
內艱徒涉千里廬墓三年先是公之備兵易州也中
朝華亭與新鄭忤華亭在告公特疏請留新鄭啣之
會公以憂歸遂不復出公筮仕才二十三歸田才四
十八懸車幾四十年尤不忘邊務著益智兵書一百
卷多出古人意表大肆披考以詩文自娛著九愚山
房九十七卷工鍾王法爲時所珍晚年右腕無力代

之以左著佐右集若干卷字更奇故殆天授也
歿後直指請於朝勅賜祭塋邑人公舉祀鄉賢

任汝亮

字伯寅號懷補別駕關子嘉靖壬子經元壬戌
進士授戶曹督餉檀城渡河墜僕投下援之亦

不出日昃舟人駭噪忽偕僕躍出神色晏然或問溺
狀曰若有巨木載者舟人以纜度水深百尺許駭以
為神故事餉有羨多歸即乃疏請修學宮吏白當如
後人何曰吾耻獨為君子令後人以清白相襲也隆
慶初臺省覈大倉出內數不相應逮公暨前二人公
具疏廷辨中貴索賂以語侵公公大奮曰天朝法紀
可賂免耶以吾從大夫之後何物刑餘敢廷辱我中
貴錯愕而退上覽疏釋之改兵部出守泉州時苦旱
公下車雨大霈羣慶為良二千石雨未期年多異績
被讒左遷興國卒於官其倅朱正色助治喪具襯資
歸以

衛庭芝

字德馨潛心易學窮性命道德之奧而立說不
為幽渺每曰程朱說書惟慮晦者不顯今學者

尋章摘句反欲舍顯就晦何也以歲貢授阜城訓導
生平最重祭禮創修族譜歷仕數年雖病中恒手訂

訛漏不輟明初邑族鮮文學家世率漈漫莫知亨大
小宗之辨自公始子邦直字汝弼克繼父訓操履純
篤由歲貢授光州訓導陞隆平教諭歷代府教授二
世俱以易學顯時與荆氏詩何氏春秋俱稱經學世

家云魯
孫紹芳

令狐

字仲平幼工文從御史孫月巖受尚書旁通易
理往來河汾河東書院與蒲坂王崇雅楊俊民

稷山梁綱為文章四友舉德行耆三嘉靖乙卯與子
一槐同科壬戌就試南宮以經學有師法署確山教

諭尋陞朝邑令多異績歷合州守乃致仕性至孝母
病疽躬侍湯藥夜不解衣晝茹淡齋更年不怠嗜書

如饑渴著性理纂要五經巾箱大學衍義日抄
若干卷刊家禮集要保生心鑑行於世子一槐

令狐

字大任幼通達補邑諸生以不喜帖括學謝
去讓產焚券周急扶危以為常公有鵝畜之池

張姓失鵝持池鵝去且詆之公不置辨已而張鵝復
得詣公慙謝亦不與較一日赴飲隣莊醉歸或掖之

探其袖中物去鵝固覺終不言其人其隱惡如此嘗
為母卜瑩得佳穴比塋以通於道移上十步許後族

之貧者皆得入塋有利前穴之佳者求塋其母實碍
明堂鋸慨然許之今鋸子孫日昌而其後世寔微
人謂心田勝陰田云年逾大耄猶步屨林臯陶情爽
酒嘗有句云黃花杯裏儘閒閒門外連青一片山半
枕竹床頻自醒笑來
多是鳥間關子一摸

張問明

字子明鳳翔從事儒之孫幼警敏十歲能文大
司馬王忬行縣一見署弟子員曰是子且有海

內名嘉靖壬戌成進士授光山令光土沃民剽多推
埋為姦盜公捕貰有法其風遂息以賢良第一徵為
御史國典朝儀舊章記註莫不熟練而風力局幹左
為一時所推重臺長王廷曰內外疑獄吾不復厝懷
自茲以上當共叅同異嘉靖末司農調度不給使者
分部督趣民急已甚西南諸省郡又採木困絕公按
湖川雲貴疏請罷一切不急以匡上德再按三吳世
族橫虐者公繩以法無少遜先是新鄭與華亭有卻
臺省多新鄭賓客計共排徐欲引公為重公愕然曰
吾寧為徐于木署紙尾耶以故國是得不搖既而新
鄭再起華亭去欲魚肉其子會公按其里謂宜詳案
國典以禮優老使大臣曠然不自疑非所當於去後

問也章上新鄭修怨黜為景州判稍遷南京工部訓
勲部出守開封河間二府民皆賀曰此舊御史能不
徇勢而好惠窮民
者也尋引病歸

荆

琨

字汝石號玉峯少聰敏博極羣書猶長於子史
叩之即應督學使者凡七試七冠諸生性端慈

恬淡嘗授經學於宋震得薛文清語錄讀之動輒取
準不違兩辰貢於鄉任清水訓導歷武功諭西寧教
授以明道為已任勤教有課道如李時芳康岑皆公
所成材也家居謝交游教子孫藝行純修嘗曰承家
不在名位而在不失其身持身不在文譽而在不愧
於心時稱名言及卒門無雜吊之賓祀鄉賢季子來
庭孫
州俊

喬繼宗

字崇德博洽通達仕淄川訓導教諭門人多顯
達歷任教授歸里後杜門鄉居不入城市淄川

王君賞為巡鹽使舊嘗問業於公公鄉距運城不
十里不一拜會鹽使謁再三始一見唯寒溫而已縣
苦累徭役父老祈一言甦困公喟嘆曰吾何惜半張
楮不救此一方民也投書百弊立解祀鄉賢公之家

世昌熾科第聯綿至今未艾
皆公忠厚積德之報也子梓

陳

力

字子列敦行力學不悅紛華中嘉靖戊午鄉試

餉懷來部使倚如左右手謝病歸家不關世務惟明

農訓課子孫讀書官長罕識其面子三重長治訓導

弟情澄

城教諭

王國瑚

字夏器號珍吾十二歲以神童補博士弟子員

歷版曹督明智厭積羨草五萬餘督中南倉積羨米
四萬餘悉報部不染指陞延安知府重恤民艱嚴禁
苞苴諸屬肅然滌慮地近西陲城中無井嘆曰若遇
警嬰城有坐困耳乃謀穿井土人謂地多沙磧舊不
宜井於是周爰咨度且筮之遇萃之比鑿丈許得甘
井二十餘處時承平久人多迂之辛酉秋酋長吉能擁
部落十餘萬入安塞口直薄郡城環攻七晝夜埤上
矢石雨下復出奇礮壯級十八顆酋知有備殺鄉導
長款書三紙遁去榆林總兵杜文煥提師觀望而撫
軍以解圍之功歸杜報捷蓋借發縱自歸耳而守土

斬獲竟匿不以聞尋遷肅州兵道即投牒以病免御
史練國事特疏薦之冢宰張問達以公道難泯題叙
前勞擢光祿寺少卿癸亥詣闕值權璫竊秉黨翼日
繁決意引退會差出督餉江西事竣歸里拜疏乞休
而匪類側目竟以誣劾削籍懷宗立鋤逆褒忠以不
附逆瑞奪秩者均蒙環召公以年近懸車引禮不出
惟講學著書自娛四方問業者以百千數魏科名儒
輩出門下著四書周易窮抄凡六補並行於世歿祀
鄉賢祠子
春楨巖楨

王

楨

號培菴恩貢由鳳陽經歷陞霍山知縣捐俸代
完舊逋民多德之居鄉寬厚愿謹遇荒賑濟全

活者
甚衆

耿顯世

字汝光祖尚義泰安訓道教育諸生有去思碑

間由恩貢授河永令齧莧炊藜不異家居俸餘悉分
三弟秩滿當遷浩然而歸仍褰帷授徒力田糊口常
笑語同志曰陶淵明有五柳不為貧吾無柳可栽豈
不視陶差勝耶好事者慕公清節往往饋之酒即留

共醉孫應昇
載隱逸傳

郭昂

字民望國學生除興平丞多惠政值凶荒設法賑恤與民德之祀名宦丁憂服除再補渭南丞

性孝友嘗與弟析基為屋不盈其畔尺許亘數十丈人謂價不細宜靳之公曰虞芮兩國猶讓一田况兄弟乎令後世常閒隙地明吾有弟也子孫勤儉謹飭與人山庠生博學端方屢舉優行訓子孫勤儉謹飭與人無爭歿祀鄉賢曾孫四維

丁亥進士官至陝西叅政

荆

芸

字世馥詔五世孫萬歷中歲貢父瀛州嘗令芸學稼芸每遊學館聽讀書歸輒能言諸生所誦

問父曰稼祖業乎曰非也祖故業儒遂毅然以繩武自任三兄析爨獨不問生產而惟攻讀書尤篤嗜性理宗陸象山涵養之說終日危坐久而自得時與郭新菴考訂名理與義為一時宗範雅不欲仕縣學迫之就陝州司訓峭直不諂於俗與州議不合嘆曰咫尺若隔煙霧况重閭乎即掛冠歸晚著春秋要旨子王

令狐一槐

字子徵，號子幼穎，悟。補厚時公方在襁褓中，乙卯父子同科，人咸異之。生平喜怒不形。

渾金璞玉人方之。黃叔度居官謙敏，由教職累遷浙江副使，所在有治聲。處鄉人油油然若不知其貴，接

後進一如雁行。好飾邊幅者，輒自愧焉。子濬，例貢孫。癸丙子舉人任汲縣知縣，弟一槐貢任漢陰知縣。

衛

廉

字汝潔，號介泉，生而莊嚴溫慤，人稱佳器。嘗讓廩於楊國珍，是秋丙子鄉試中式，就襄垣校補。

屯留諭以清慎為士林所推重，撫軍呂坤首薦云。古貌古心，真才真品，克符往哲，迥異時流。擢翰林待詔。

自文徵明以徵聘入後，獨公得是秩，蓋異數也。上因以校補特旨核之，部復稱職。上因知公歷禮戶曹郎。

監兌山東河南羨餼，毫不染指。或諷公循例不為污公曰：「以上知遇，由儒曹躋鑾坡廕，負恩且負所學耶？」

卻之擢貴州廉訪副使，土俗苗獠雜處，通餽大吏多引年致政，享壽八十有七，歿祀鄉賢。

厚卒無反側，督撫咸倚重焉。尋轉大叅，以卻餽啟釁，公卻餽如故，而綏輯有方，諸番服公長。

令狐一摸

字子中，鯤子。氣骨嶙峋，襟懷磊落。游泮二十餘年，不一至公門，恒以孝弟勤儉訓誨鄉人。

故近其居者無苟行族黨有過誤咸畏其知生平最嗜薛文清讀書錄悉力體之督課二子曉以大義皆能世其家聲年逾五旬卒士林扼腕子注

劉以平

字體衡號近塘里人司收糧者夜失其金以公父珍同寓疑之珍傾貲代償不與校關處士重

其義以長女字公後女病瞽處士雅慕其世德不欲以病女配及婚飾次女往既入門公見無病容疑之詢媒氏知之因正言曰瞽女吾婦也棄之不義且恐速其死矣次女既歸吾家無遣還理即妻弟以寬可也遂更迎瞽女時女果泣涕求死家人驚救不遑聞夫家親迎至乃解邑至今傳為美談公已卯庚辰聯捷授戶曹主政榷稅河西務同曹以污咸避公曰污在人豈在地耶往以冰檠自勵人服其操差理太通橋車戶舊貸庫金八千餘不能償大司徒欲扣糴追補時霖雨運道益艱民洶洶計口炊米扣糴將絕食無敢言者公抗論曰吾方恤困未遑宣責償乎遂忤指出充潞藩傳潞王素好畋遊無度民多怨者公諫啟四上弗聽衛城十里許有濟瀆廟每歲男婦會集王欲往陳樂而觀之公宿朝房為叩馬計忽中涓馳報

曰王知公等欲阻諫靴中置兩刃矣公曰吾虞隲三尺耳安能為七尺計乎王果出將攬轡公叩馬止之王悔悟敬公如師又條陳十事王嘉納之嘗委韓弁代衛篆韓夜持四十金為壽公曰而令楊伯起謂我耶麾之去擢滇少叅屬藩臬乏人公攝七篆督儲清戎課吏折獄咸辦兩臺驚相謂曰若此材品胡令久羈梁園耶土酋阿克等嘯聚猖獗殘破郡邑乃設奇勦之滄洱賴以安堵晉苑馬寺卿致政歸弟以寬早卒撫孤侄過於已子田宅必擇善者與之人高其誼焉

荆來庭

字子揚琨子貢於鄉授汾州訓導嘗自箴曰守得一敬字終身可無過言笑不苟衣冠整肅傭

豎過之亦歛容每戒子弟曰父師所教吾無敢負若曹勉旃惜早卒孫文學

荊州俊

字章甫號籲吾琨孫髫年器度端凝舉止軒昂識者知為公輔器祖甚愛之訓課不輟臨終猶

囑曰每祭當為經義七篇以焚奠余公如命每奠為祝文輒以七經義附其後弱冠學遂大成更工詩賦凡試棘闈日夕七義具就收卷者驚為仙才已卯經元癸未進士除長安令考廉平上第為御史局署謝

客遇事有疑難衆莫敢發公侃侃論之如請止貢金花効貂寺諸奸貪不法狀肅然臺閣生風會經政子公同年友也欲引公自結公以嫌遠之反御公外轉山東叅議時值蝗災撫軍宋某信襍術下邑率承指報蝗息然蝗實熾一令崔某獨爲民請蠲忤撫軍意將効之公力爭不得謝病歸邊陲告急臺省交薦公起補遼左監兵道改宣夏臨鞏副使皆借材應變也套騎大入公喋血戰保其地各鎮觀望不救卻使乃以失律咎公蓋邊將飾功諉過積弊然也旨不允補公臯蕭整飭九年洞悉邊務松山延袤幾二千里爲我咽喉地酋長賓免父子竄據其中公設奇蕩滌之大小十七戰皆捷降番二萬有奇累加左布政食正二品俸丁憂歸起莊浪監兵不出再起甘肅巡撫廟堂倚重爲西藩保障焉拜刑部侍郎遺疾卒勅諭祭葬祀鄉賢子華國廕授經歷

光國選貢歷任衛輝同知

喬

梓

字子芳少負奇志屢試中副車志終不挫迨子應甲貴辭封不受猶兩試棘闈竟不遇乃貢於

鄉應甲嘗按淮嚴儆官和屬吏悚懼或餽夜金至家不受然亦不暴白其事萬厯乙酉歲薦饑減價糶粟

以廣施濟又捐貲為粥廠活饑民甚眾更給冬衣布
花者六百五十人中年失偶不再娶著鰥夫論以明
志人高其誼
焉歿祀鄉賢

郭

鎬字子京興平丞昂子朴茂無華俗號固子郭氏
由庠生例筮仕復得興平父子相繼秦民世戴

德焉性緝密溫雅檢押周備絲粒無
妄匡坐兀然更以孝友著於鄉邑

杜思望

號友山萬厯壬辰進士授文安知縣頻笑不假
時論比於河清縣多閹族驕橫戾民公絕其交

際有過繩以法或不悛公曰天威不遠咫尺會與汝
面折形庭耳縣有陂田歲雜蘆可貸數百金往者皆
入私橐公獨不收曰文安之物還之文安牒請上官
克本縣幫差支用百姓立石頌之秩滿入覲考廉官
第一廷論推以
臺省未任而卒

喬應甲

字汝儁繼宗孫舉戊子鄉書壬辰進士為襄陽推
官平反從寬簡訟者爭就喬司李賢成焉廉明

著聲不懾權貴其道與語不合即拂袖起曰推官行
李一擔負足矣某道改容謝之擢御史多所建白十

漸疏載令甲中拉兩浙鹽課商多賂中使者公繫治
其一二人清豪右侵占蕩田數百頃會以時宰故家
居五年撫按各疏薦起浙江道巡南城禁投舖輦下
便之著便民實政三實奏章難焚草尺園詩集若干
卷後歷任陝西巡撫右都御史天啟六年丙寅謝事
歸著半九亭集蓋取行百里者半九十以警末路之
難也嘗過平定州等處目擊饑荒鬻子女者絡繹於
道捐貲賑濟付州申詳各上司活幼子一千四百餘
人州人德之建生祠弟應旌赴京又捐金二
十兩以終兄志子拱秀貢孫壯受癸卯舉人

張應徵

號亭一別駕至化子幼警敏讀書過目成誦有
宿老持文示公公督視即還老疑藐已則曰君

文已盡誌矣即背誦不失一字遂大奇之甲午解元
聯乙未進士先是關中監臨御史問督學陳曰秋元
可預決乎陳曰猗氏張應徵也且必聯捷既而果然
授三原令齊民以禮教士以文風俗丕變來進士復
由公挺埴名重莨林陞職方主政歷正郎清介矜嚴
諸弁無敢干以私者時有鐵職方之稱遷大名兵備
副使以邊務需才廷議備節鉞之選尋遷遼監軍道
未任病卒公自鼓篋至通籍惟學是嗜積書至萬卷

悉加丹墨按掇闕遺校覆錯誤雖茂先子雲未必多讓邑人荆光國名士也博雅自負嘗問奇字公曰在幾集第幾卷第幾板第幾行第幾字檢之一一不爽光國爲之心折尤擅知人之明嘗閱人文字決其心術窮通天壽無不奇中周延儒少年狀元海內傳誦其文公曰仙才也官可極品事業或闕焉主四川試得王應熊卷曰聯捷經魁救時才相後俱如其言著作稿成則納巨麓中滿則易麓或勸之登木公曰學問之道如登嶽泛海住足便是退步柰何爰爰務旦夕名乎歿後家遭兵火積書藏稿燬失殆盡或得其殘編輒珍之闔學公舉祀鄉賢

荆可楨

字築宇萬歷丁酉舉人授懷柔知縣縣苦無水遠汲城外公相地宜得甘泉數處井甫成奸民

作亂城藉水固守得安陞五城兵馬司歷戶部主事時邊隅多事公精心幹濟以佐事艱素懷經濟大才徒以魏璫排擠老始向用未竟厥施惜哉

張士俊

號秀峯辛丑進士授新野知縣廉能著績祀名宦累遷戶曹郎充福藩傅鈐束貂璫王雅重之

遷隴右道創設陳倉守禦以備不虞攝兆岷道篆督
戰卻西寇寇歷陞川南兵備副使以逆瑞擅權高卧
不出與故舊棋酒自娛
歿祀鄉賢曾孫彤歲貢

何東麟

字崇仁尚賢子廩於庠喜酒自曠一洗世態博
學能詩文上下重之不問生產友愛出於天性

善與人交有呂安稽康之雅晚年鄉貢未赴選卒知
與不知咸涕泣胡教諭如穎祭文云劉伶杜甫詩膽
酒腸得其緊焉弟東鳳丙子經元何氏以春
秋經學名家子午掇巍科者數世時稱盛云

荆克敬

號石泉由邑庠入大學歷晉州判鞏昌經歷陝
西行都司經歷一十二載所任不以家隨惟携

一蒼頭給饌上官雅器重之攝篆郡邑口碑藉甚引
年辭歸縣官敦請鄉飲者七止一赴年未五十妻卒
終不再娶為園僅畝栽竹蒔花時弄桓伊笛聞者曰
石泉笛也子如松貢士詩文書畫工絕一時仕至會

寧知縣

令狐泌

字儼若錕孫由進士授嵩縣知縣治行為河南
第一課最銓司注大用會入覲過里邁疾卒宏

抱未究士林惜之嵩民誦為神君有訟恒冥質焉子永輝戊午舉人新城知縣

喬

岩

字雲臺庠生父南川纂性理通鑑二書總角時即能研悉默誦教授生徒多所成就不計謝嘗

夏月憇廟中拾囊金鄉人欲分取公以義止之坐守以待及昏失金者至公付以原囊其人欲分金為謝公笑而弗受盜竊其贏鬻於下任鎮造經行其地羸忽奔鳴僕前市人譁執竊者公視其人知愧悔以善言諭遣之他日遇羣盜於途乃竊羸者前曰喬公吾恩人也不得輕犯護送里餘而去子翠秀庠生孫虞建舉人

王春楨

字元復國瑚長子靈慧夙成天良純備七歲父置膝上指示河圖數言下明了及見洛書即問

圖書異同之故父大奇之萬歷癸卯中經魁丁未闈中擬元主者以卷面北字置第二初授行人奉使楚肅二藩王有常餽悉卻之曰吾安能初筮黷官常乎孝友樂與出於天性而襟懷曠達如江汪萬頃波秩將滿邁疾里居疾革神閒意定未或怛化既歿聞者無不墮淚有老農某灌而長號或問何憫曰吾哭

賢大夫耳卒年三十
有三祀鄉賢子含光

陳國柱

字擎元少負神童譽年未週支應對若流長而篤學屢試冠軍家雖貧屢誦讀不輟從遊弟子

名列膠庠者五十餘人登萬厯癸卯賢書署高平教諭設講堂立會期課多士如子弟一時人文蔚起陞

延長令官居如在鄉時退食手不釋卷年方強仕致政歸三十餘年勤講學寡交遊淡素自甘義方垂訓

著四書易經道學傳
行於世子湛念孳念

張煥乾

更名煥乾字斗如別駕問德子巳酉舉人初仕長葛令不通請謁不避豪右建磚城民樂赴功

不數月而成值公初度邑衆謀爲壽力謝之即以醪金作敵臺爲葛永鎮時兵荒土寇乘間竊發一日賊

兵數千薄城下人心皇皇獨以靜鎮之督率守陴六晝夜遣練總韓燭等率民兵夜擣其虛殺數十人賊

解圍去乃益嚴斥堠遠偵探設鄉兵賊無敢犯移開州隨調薊州父別駕公移書終養遂告歸

郭孔殷

字伯宋希湯子由歲貢歷任沁源王府教授性澹泊孤介不慕聲利歷官二十年勤以課士不

問束修歸田後窮約如諸生時鬻產自給未嘗干人以私長孫已成童有所識巨公欲為入泮地堅謝却之又有某官持金求公關說巨公為脫罪者力拒不納曰彼以貪獲罪吾受其金而為之請不自污以污知已乎其廉介多類此嘗與修山西通志邑令數延鄉飲賓不就士論高之孫九齡歲貢

荆王士

號養田王子經元學博才肆生平有二大節稱俠義明末寇氛壓境突有閹宦擁兵數千至西

門時漏下一鼓矣縣令李某將開門納之傾城錯愕公毅然當門諫曰昏夜真偽莫辨脫有不虞公能獨免乎令恚投憤抵公公奮拔佩刀砍地云合城性命危在頃刻荆某甘以死保若必奪門頸血濺公矣令亟謝乃止城中賴以安堵邑令李某馭下過嚴羣蠹禁錮署門絕薪水者數日公聞之髮指率子弟排闥而入羣蠹竄去令出謝公卒無德色排難解紛不自居功庶幾仲連之風矣子欽章貢

荆可棟

號扶宇戊辰進士由行人擢南科嘗疏請免本縣逃故丁額及平陽加派銀二千有奇邑人立

碑紀德焉又輸金倡修西城月門立巡舖建文昌閣築重城一週凡火器兵備一一修飭倚邑城守賴以

完備

喬翠秀

庠生岩子德器粹和觥觥自持不隨俗俯仰日課子經明行脩凡事俱從忍讓非禮之來終不

較也子虞建

甲子舉人

閻養醇

號復我帶經負耒力學不輟四壁蕭然處之晏如年幾三十始有室辛酉中亞魁仍甘貧株守

鄉人若不知其貴也任榆次教諭甫三月丁憂歸以哀毀成疾卒

張

璞

號荆山辛酉拔貢庚午順天副榜丙子山西副榜歷官陝州知州耽竒蘊古負俗獨行著草廬

詩宗伯王鐸擊節賞之贈句云應藏知己淚莫向衆人彈初任別駕督餉遼陽經畧洪公承疇求佳客草

露布公應曰通判能之即爲文數千言洪公嘆曰通判乃有大才巡撫方一藻及邊將鎮咸重之著金臺逸

詩籌海代言若干卷順治初年吳逆三桂入川以舊誼辟公爲書記不就暮年環堵敝廬粗衣糲食未嘗

過陶白之門子佑五歲貢

荆可立

號卓峯歲貢博學能文高蹈不仕日課後學不倦明季凶荒公割學資廩祿煮粥濟衆全活無

算爲人助治喪葬無德色晚年詩書自娛足不履市鄉里有麟鳳罕見之謠歿祀鄉賢

荊州任

字弼予少司寇州俊弟以副榜貢授長治教諭倉吏王俊以糧數虧額遺累瀕死公捐俸二十

兩與之得生俊感公欲以其女侍公爲側室公不可曰吾哀汝代人受過故捐俸救爾若以市私惠受而

女非義也仍付千金遣之隨中已卯鄉試年逾五旬由教職擢高第人謂陰德之報云歷山東東平知州

原自新

號銘盤以歲貢授潞安府訓導溫恭愿慤士林嚮慕甲申僞權將軍入潞安授公原官公引疾

不就徒行歸里時論多之壽八十

陳湛念

號澹宜國柱子纘承先業佑啟後昆復訂四書易經道學傳錄行世從遊者戶外屨滿顯聞者

二十餘人行教香落村創建石橋鄉人義之立碑以紀焉子適月丁酉舉人適度壬辰進士

王道亨

字順甫邑庠生少負文名賁志不售敦行孝友孚於里黨以子應元貴封文林郎祀鄉賢

國朝

喬虞建

號松峯岩孫翠秀子甲子舉人幼失父母事祖父母以孝聞兄唐建早卒撫侄過於已子性淡

泊端嚴公服外衣無絲帛對子弟僮僕冠服必整子孫雖相繼成名必教以無失祖宗儉素家風甲申逆闖過縣僞令脅邑紳迎之公獨避匿條山不出後檄授僞官堅辭不就其大節如此順治中署樂平教諭立學規訓課諸生不問束脩嘗曰生平志不在溫飽今壯年心事已付滄溟區區一廣文室圖富貴乎尋以年老致仕著四書淺說刪補若干卷長子震蕃丙戌進士

王巖楨

字惟肖國瑚子澹泊澹謹不異寒素由丁卯副榜貢入大學登庚午賢書年彊仕輒謝公車嘗

慕文中子爲人不樂仕進潛心理窟闡發微言毅然以倡明斯道爲己任庚辰歲大祲出粟賑貸全活無算迨逆闖過縣毒痛縉紳公蒙難鄉民不期而集者數千人投賊營保之獲免賊又欲授以僞職公以毒藥敷面得不汚已丑土寇陷城令出走寇將屠令家公遣諜者說其渠魁釋之既而令以援兵至且屠城

公單騎迎令言倚人無反狀且公家口非倚人不保
令亦偵知其家無恙遂為戰兵邑民安堵又說令出
軍中子女悉還其家兵燹頻仍惓惓以收藏父書為
念曰家可破窮抄不可失也亂定付梓置父木主前
泣告成功云嘗捐貲三百金完葺學宮讀書講學至
老益篤立觀生書院三河人士請業者趾相錯及門
之士率皆砥礪名行彬彬儒雅掇元魁陟清要者接
踵而起人稱為河汾之後一人焉著四書周易便蒙
抄翼十六卷行於世續著四書人物彙考周易
易圖說性理增刪四十卷歿祀鄉賢子含直

王含宏

字思文國瑚孫少孤受教於伯父嚴楨秉幟藝
林丙戌中副榜辛卯亞魁壬辰燕邸邁疾卒督

學張四教聞訃慟甚為輓
詩勒於學宮櫟縣祀鄉賢

荆世爵

字從修己卯舉人聯庚辰進士授諸城令歷臨
清守順治中補太理寺副歷寺正獻奏詳慎尤

勤核覆速剖斷案無留牘陞浙江巡海道備兵寧紹
值海寇猖獗調滿兵數萬造大小戰船數千糗精芻
茭竹頭木屑盡以責公公應之裕如也隨同勦舟山
賊有功遷河道副使督工修堤盛夏暑雨拮据巡視

弗輟是歲秋大霖長堤無虞尋謝病歸初仕諸城時
有民劉度得罪某紳欲置之死公斷豁之時應內擢
以忤紳故調臨清知州公單騎赴任劉度隨行遇寇
度匿公他所賊縛度於柱燃火炙踝至股索公所在
度終莫肯言德入人深
好義志死此其效也

王應元

字貞復道亨子甲戌進士歷任推官陞侍御史
公嘗以本縣丁數缺額徭役重累疏請歲減丁

銀二千四百兩已丑庚寅間崔符竊發大兵撲滅而
餘孽不悛流毒地方公白於當事翦之一方安堵加
惠桑梓邑民戴德祀金州名宦公舉鄉賢子
子信兵部郎中予穀子蒲歲貢子纁上林丞

王含光

字表樸號似鶴春楨子幼孤受教於祖珍吾公
成辛未進士初授行人詣闕陳母節蒙恩建坊

蓋自珍吾至公進士三世行人亦三世云順治中以
按部者薦授儀制司員外歷考功文選司郎中轉河
南按察使居官清慎終始如一公工詩七言近體擅
名一時又工畫

世祖特賞之嘗

賜御筆山水一軸蓋異數也歸里後慕山巨源似仕非仕

似隱非隱之風築似園營王官別墅耽情林壑探秘圖書多得先儒所未發著易學三述易圖直解谷口詩集行於世子密儉俱官監

令狐注

字伯方壬午亞魁官漳浦令耿介直方遇事敢

閩載譜稿以往視事僅八月時海氛猝警羈閩三年干戈離亂中恒以稿自隨戒衣食為剗剗費卒成其

書歸里復鳩族立宗祠乃驟然曰五十年心事可少慰耳居恒儉素嗜讀書寡交接非公不至邑城著四

書訓註詩韻辨音十二卷子永年未觀永年號魚衣當海寇猖獗時父問久絕年犯難省覲間關七千里

僅乃得達染病幾殆卒保父歸父歿居喪盡禮哀慕終身性謹厚不言人過取與不苟積學攻苦兩中副

車尋以恩拔貢於鄉時例得就縣令及府倅或從吏之憤曰安有讀書破千卷不能博一巍科顧以明經

出身耶堅不就卒亦不遇築自園詩酒自娛嘗為八興引以攄其磊砢之志云孫言東丁酉舉人

衛紹芳

字猶箴邦直曾孫年十八毅然以絕學自任手錄程傳及薛文清王文成二先生書一言一動

皆必取準乙酉丙戌聯捷授尉氏令兵制後城郭署
校盡燬乃親程功庀材百廢俱興更勤勸課廣積儲
禁暴戢姦講學修禮尉人至今頌德焉行取兵部主
政陞補福建漳南道僉事宦化賊黃素示亂賴兵屢
勦不能平公知兵與賊多相倚為奸察營兵私行劫
掠者數人鞠實誅之兵民懾服賊旋就撫永定逋寇
廖明祈倚險為亂汀兵圍之數月多被賊傷公相地
形決水灌之賊宵潰皆被執陞川北道叅議却承裔
反全蜀震動總督李國英檄公督餉協勦哨知賊未
犯城都笑曰賊無能為矣兼程至嘉定三月賊平單
騎至雅州安撫叙功陞貴州督學道訓課師儒先行
後文黔士始識正學焉歷浙江巡海道督修戰艦積
勞成疾致政歸居母喪殯葬惟家禮是遵不作佛事
不以樂道輟車邑俗一變公內剛外和議論侃侃不
貶所學以徇人著小學家訓四書心悟五經闡微
性理體會通鑑綱目續刪若干卷子既齊既翕

喬震蕃

字篤生虞建子愿慤訥言由進士授鉅野令草
美銀陋規申文蠲免河夫工役大半李化鯨之

亂連破數縣乘勝圍城歷三晝夜公鼓勵士卒悉心
守禦調度有方嘗令各門置大瓮十餘皆注以水一

夕賊匿車下燃炬焚城門火炎烈矢石不及施急命
傾水救之火盡熄又嘗令備百餘土囊數十大門於
城上賊用火燬攻城埤堦多損即豎門植囊如梁口
形城上人始得安心巡守更出奇畧乘賊不備出擊
城西數營殺傷無算賊救至而我兵已入城賊知不
可犯遂解圍去自鉅野以東得無虞者公之力也以
勞悴告病歸里總河楊某題叙守土功部議中格
公義命自安泊如也乙未卒年四十三子士增

許光斗

字碧辰愿謹質朴以歲貢任鄆縣知縣值賀賊
亂後城郭俱燬公捐俸修理不擾里甲又以川

歸里後仍舌耕為業出門唯一驢一僕人稱清品

郭四維

字崙公丁亥進士初任績溪知縣創修城池陞禮部
主事由員外陞河南驛道歷陞河西道叅政補蘄州
府知府守廉政惠才識敏練吳人感其德建祠虎丘
至今戶祝之

陳孳念

字起登延長令國柱子陳氏衣冠在邑中為最
以公筆修祖德敦崇古道質心質行不為繁文

虛讓而和氣坦衷人人歸厚焉讀書究心傳註行文恪守先民由副榜授通判改都司經歷筮仕廣西服除補江南所至勤恪兩任如一日子澄度甲午舉人臨湘知縣洪度歲貢

陳毓秀

字含甫父國泰庠生賜儒官孝友天至嘗以仲弟國徵出繼長伯念胞兄弟三人不可令一人

無後也乃立國徵長子毓稷繼其世三弟國華卒亦無子又以侄毓橋承之三分已產友讓無私人高其

誼毓秀克繼父志事繼母馬至孝尤醇謹謙恭遇童隸亦無慢容日諭族黨以讀書完糧人多化之值歲

歉施金施粟不足至以牛羊土地繼之全活無算閭里

有佛子之號以歲貢任平遠衛訓導師模聿振尋引年歸里子基命力田帶經父母祖母相繼亡喪葬

盡禮九年不一茹葷飲酒叔侄兄弟三世同居無間言自國泰至基命世有孝行公舉祀鄉賢祠孫綸丙戌進士綽戊辰進士秀水知縣

陳王紀

字憲之已卯鄉試第二人授感恩知縣海外瘴

公執法不畏疆禦逆商王廷賓隱貲財數十萬染指者皆獲重譴公獨不與陞徽州知府汪族以風水構

卷二十三 三十四

訟數載弗能息公諭以情理感泣息訟甫七月引年
歸生平簡易無文飾性情磊落沁水吳相國謂其喜
酒自豪而取舍大節無一恃
於理直定論也子其生劄貢

謝三宅

字克知朴直醇謹晝耕夜讀登丁酉鄉薦為孝
廉數十年躬耕弗輟授鄖陽令廉介自持仁恕

待物人稱嚴父慈母家尸祝之鄭守楊公廷耀服其
廉念其無子為之置妾舉子大生人以為廉吏之報
謝政歸足跡不入城市長吏罕見其面
稍介飭躬自食其力直伐檀之君子云

陳適度

字宏所湛念子已丑土寇猖獗身輓輜足重趼
奉父母奔避卒脫於難由壬辰進士歷任江寧

邵武兩府推官清慎平允每決獄夜必焚香告天自
矢邵民何承福為賊所誣公釋其冤饋千金力却不
受著審錄八冊諸所平反多類此歸田二十餘年廉
靜自守不入公門衣布衣秉蹇驢寒素如諸生遇者
不知其為鄉先生也子愈愚歲貢愈魯舉人任平定
州學正推誠待物立程課士尋歿於官士林哀悼
荆之茂
變民困誅求野多曠土下車之次年繪圖上請

開懇曠地數十頃諭民戴德歸里後族黨婚葬多周恤之舉鄉飲大賓歿祀鄉賢子益祚歲貢益社靈璧知縣益祐益祺俱歲貢訓導益祺例貢

杜先乙

字少青莊重寡言笑竟日危坐未嘗晝寢潛心理性之學著四書理解解易經詳義等書由歲貢

任太原訓導歷崞縣教諭立功過齋以教士文浮華者擲筆不閱行疇和者擯不與通督學徐雅重之欲為其子入泮地堅辭不受人服其介焉

衛

洪

字澳青歲貢生性莊重善屬文教授生徒剛方自持嚴學規所成就多知名士

潘毓雋

字力田增廣生為人直朴剛方學殖宏博顧屢躋塲屋慨然曰士以濟物為志吾安能終老斷

簡中與蠹魚作緣乎乃工岐黃術究心內經句註字釋以之貫通方藥多出新意往往奇中活人無算所著有本草類通歌括及傷寒全畧解子文林乙酉舉人蔚州學正

陳澄度

字清碩孳念子為孝廉二十年非公不至公門授臨湘令城圯民逃田多荒蕪公招流亡寬逋

賦民安其業修學課士人文蔚起母張年逾七旬不肯就養公以不遑將母為憾積勞成疾卒於官囊無餘錢湘民為之流涕子
憲健舉人永寧州學正

衛

嶠

字元岳順治乙酉副榜貢教授生徒不計束修生平無疾言情容鳩衆葺香落石梁而不居其

功人稱篤行君子云子既
匡歲貢孫誅癸卯舉人

陳適月

字玉蒼湛念子篤志力學從游弟子列蠻序者數十人聞賊勒餉伯兄適孺被繫公周旋鋒鏑

間卒免伯兄於難登丁酉鄉薦三任司鐸課諸生以德行為先外郡士負笈受業者甚衆歸里後詩酒自

娛日訓子侄登科第
者相繼焉子憲敏

陳洪度

字一庵萼念子為文潔而有法雋逸多風見知於郡守劉公取入書院九赴棘闈阨於遇家貧

授徒自給教人從容有方論史鑑悉源委善問者不能窮也義命自安不輕干人介然於流俗之外嘗曰

觀物如朗鑑守口如覆瓶愛人如冬日防身如履冰可以知其生平矣子憲肅以庚午第三人舉於鄉固

窮讀書善繼家聲撫好讓產人稱孝友惜早卒

衛既齊

字伯嚴號雨錫紹芳長子幼端謹不為嬉戲讀書外無他好年十九聯甲辰進士選庶吉士授

檢討分校禮閣得士最盛有躋位卿相顯名銓諫者嘗重修縣志考核精嚴公雖職文學而雅志當世之務言事輒眉宇飛動思大有所建樹尋以違例陳言調霸州判公不以卑官隲職戢旗丁興文教防水患刻推理連攝固安永清平谷三篆所至著有聲實撫軍于清端公特疏薦焉會丁內艱服未闋復翰林官逮服除赴都超擢山東布政使公感激涕洟謂持已以廉而後能及民以惠嘗封還貼平羨銀使分給納戶懸鉅於門以通下情捐穀施衣以賑凶荒拓歷山書院聚明經文學士月兩課之捐俸給資造就甚夥護撫篆者再命盜八十餘案公悉奏當報可釋無辜株累者數百人去任猶留貽備賑穀千餘石入尹順天未幾陞左副都御史請卹山陝蝗災無何改右巡撫貴州慨然有澄清之志值黎平苗變釁起將吏公獨疏檢舉械京候訊黔民泣送者千萬人既荷寬典減死流黑龍江坦然就道比至坐斧屋中手一編若

忘其遷謫也者踰歲賜環家居六年立社課士飲食膏火諸費皆取給焉成就蔚然重訂四書心悟未竣徵修永定河明年庚辰委培高堰力疾督工觸冒寒暑不敢言瘁公之橐以垂而病日增矣九月卒於淮上年才五十有七未竟厥志士林痛惜不哀

王含直

字樸齋叢楨子幼穎慧工屬文乙卯薦於鄉聯

促之往試畢即歸道聞父訃屏水漿者累日鷄骨苦處營葬盡禮戊辰將赴選入都會疾作竟不起生平好義樂施置祭田周族黨篤師友振窮乏繼父重修學宮之志獨力建尊經閣又念兩世教授生徒復舉觀生社聚邑士會文如科場七藝刻士林德之其工書工詩工醫猶餘技也子默歲貢

邵嗣堯

字子昆號九緘才氣豪爽不羈由庚戌進士起家臨淄令以廉惠得民和補令栢鄉有言開塗

陽河通舟楫者撫軍于成龍委之相視力持不可言此河潦則傷田旱則先乾舟楫難通即通而舟楫之利歸商賈挑濬之害歸窮民矣遂不果開會盜殺人於縣界公捕獲置之法或毀於上官竟以酷刑落職

候訊會魏敏果公象樞巡畿輔民為訴冤魏悼惜之
力白其事乃獲釋里居久之于公薦授清苑令公益
感激砥礪清介聲藉甚人稱白面包老行取江西道
御史孤行已意值歲歉疏請平糶倉米又請流徙淮
贖俱蒙允行調直隸守道盡革陋規纖塵不染協理
襄陽運米單車赴楚抵秦見總制佛力言水陸轉運
之艱事獲已兩省民受其賜江南督學缺
上謂廷臣曰如陸龍其邵嗣堯定是不賣秀才者遂授是

職蓋自復令職擢侍御以叅議行學院事皆異數也
既受事手自衡文屏絕苞苴直人無敢以尺牘進者甫
按三郡積勞邁疾遺疏陳三事口占一絕而逝同官
江左者歛貲致賻櫬乃得歸保定等府舉祀名宦猗
祀鄉賢子念劄貢

喬壯受

字心益應甲孫剛方自矢嫉惡如仇癸卯舉於
鄉授陽信知縣下車刻意釐剔清保甲嚴窩盜

犯者不少縱有逆子毆死其母聞報飛騎詣其家立
刻杖殺之藁尸以警衆明決之聲孚於百里上官聞
之相謂曰德以格盜實未易言守土者舉如喬令亂
萌何自自作哉按察使喻成龍欲舉以當上考因俸未

及格中止忽邁疾七日卒邑人戴其澤崇祀名宦夫
夫子七人皆能以學行嗣其家已成名者于濬舉人

于濬進士萬年
令于沆解元

喬士增

字益其震蕃子少聰穎年十八舉於鄉甲辰成
進士筮湖南之安仁令值吳逆煽亂未抵任城

陷從賊中間道走詣湖北軍督師獎其忠留之軍已
念大父春秋高亟圖侍養遂引病歸後以例補直隸

交河彌盜夥戢旗猾民賴以安癸酉分較順天鄉試
秉公忤當事止中四卷皆貝字號負名貧士尋以不

及例鐫級乃絕意仕進囊無一錢泊如也歸而創建
宗祠課子姓讀書間寄情詩歌食貧十餘年生平無

機心無妄語人推厚
德云子雲根拔貢

荆文學

字在中由副榜貢授武定州判勤謹清介不以
職小廢乃事署新泰縣篆廉介自持歸里後囊

無長物居喪盡禮不與
聲色讌會士林稱之

喬士容

字德元虞建孫性英毅博覽群書登丙午鄉薦
第三人聯丁未進士授內閣撰文中書繕寫纂

題有筆姿適勁極似歐字之爽今校順天鄉試稱得人陞虞衡司主事查核工匠裁省浮冒督通州倉牧兌以時給放以序歷都水司員外郎祠祭司郎中清慎如在衡司時督學江右勵士行崇經術正文體文風士習彬彬稱盛白鹿洞爲先儒講學地擇廣文學行兼優者主之聚生徒詣業置田供廩餼事竣督撫交薦學優才敏守潔行端請留再任部議以叅議道用需次里居未嘗投刺公府公明達有遠識論事成敗輒驗是非可否一準於公爲鄉先生祭酒焉幼失怙恃養於外家公念不及事父母因體父志以事大父母推之以愛從兄弟乃再從諸姪體母志以事外大父母推之以舅氏以及其子至交游鄉黨緩急相濟矜孤恤寡樂善不倦其天性也學宮修廡輸金助工涑水二石梁傾圯各捐百金葺之生平冠服必整言動必莊子姪無敢以奢靡輕浮之態見者子雲名丁丑進士歷官奉天府府丞雲閣雲載雲綬俱舉人雲瞻副榜孫溥棠溥

卓溥棠俱舉人

郭九會

字繹茲號存齋向宸孫幼警敏善屬文十歲咏柳絮及鄰女詩即見賞於邑前輩尋冠童子軍

頌已酉鄉解海內皆知其名好學淹貫尤工詩古文辭遠近碑版記傳多出其手著存州二十卷官臨安令為政廉勤以嚴濟慈嘗謂嚴則人知有刑後將無刑勤則我知有事後且無事臨俗不知學士子進身後輒充里胥規利公痛懲曲誘月課季試宛如師弟子風丕變丙子巳卯科第接踵有臨水勸戒錄課士錄行世年五十九即引疾歸當事留之不能得林居手不釋卷詩酒自娛俗人罕識其面人謂有陶靖節之風先後闢敬交社誘掖後進如將不及邑知名士多出其門器識高明練達事務疑者相質片言而決無不各得其意邑中有關風教事獨力維挽不隨波靡士林咸倚重焉子為觀舉人

衛既翁

字仲怡戊寅歲貢憲副紹芳次子積學能文章同兄中丞公講學傳經誘掖後進多所成就乙

卯軍興丁祭停止毅然曰吾儕列庠序中忍先師祀典有關耶倡衆春秋致祭祭品未備自造俎豆三百考闕里志定祭品始合典禮辛未大侵邑令煮粥賑饑輸穀百石宗族戚友貧乏不能自存者散粟數百石不繼傾貲二千餘金三日立盡丙子巳卯子讚講連登賢書人以爲積德積學之報云讚字有嘉丰姿

秀整江詩文善談論詞旨清辨酬答如風有
揮塵風流之傑未筮仕而卒講官新會令

荆時中

字允恭之屏子弱冠領鄉薦授聊城知縣縣當
水陸要衝舊稱難治公汰冗摘奸恩威並濟隣

邑皆取則焉分校省闈皆知名士甲申山東大水邑
之奸民乘間劫掠公捕首惡置之法餘悉解散適截

漕米二萬石留賑東昌十八州縣當事委公分賑公

悉心經畫給散均平民需實惠尋陞戶部主事時當

奏銷直隸陵工橋道等項吏胥相倚為奸中多浮冒

公殫心搜刷夙弊頃清會有以年老奏聞者

上素知公廉能特簡監察御史歷掌京畿道事每會議侃

侃正論未嘗少有瞻顧前後保舉文武大吏皆政治

卓犖無不稱職以積勞染病甫得

告而卒子速韓迨韓孫陵俱舉人

陳洪疇

字用九頴戊午鄉薦康熙十五年清查晉省鹽
丁每一丁勒報七丁公憐包賠之苦適有給諫

許承宣自秦典試過晉公倡衆力陳許據詞具疏部
檄核減公調劑豁除去七留三鹽戶詣公謝公辭之

曰吾憐桑梓重困詎以此市惠耶部檄
候選公不赴優游田園人稱其高尚焉

喬壯居

字心宅拱秀長子增廣生闖賊勒餉匿父於他所挺身就繫家中落介然自勵志氣不少挫督

課諸弟子孫皆力學能文登科第者相繼壽八旬餘卒于瀛庚辰進士孫學尹癸巳進士歷官福建按

察使學說

甲午舉人

何起鶚

邑庠生字薦秋尚德四世孫念母孀居守節非稟命不敢擅出里門生平動履端嚴言笑不苟

課子讀書不喜交遊邑士大夫咸重之孫世勲辛卯舉人

王予信

號適欽捐歲貢廷試第一性孝友醇謹初司鐸懷仁內陞國學政所造就士多登第為顯官京

察列第一累陞車駕司郎中不改儉素家風歸田里乃以孝思未遂抑鬱成病卒邑令陶自悅嘉其誠考

為誌其墓子瀚拔貢五臺教諭為誌其墓子瀚拔貢五臺教諭

陳憲敏

字訥生適月子已未進士性倜儻慷慨族黨中婚葬貧乏不能成禮者以身任之初授浮梁令

補考城與山東曹縣接壤曹縣黃河堤工委卸於考公力爭復歸於曹邑人樹碑紀其德及卒考之士民

不遠千里
弔祭焉

陳

紱

字渙汗平遠衛訓導毓秀孫丁卯以第一人舉於鄉聯戊辰進士授庶吉士引見瀟臺奉有性

情直率丰度端凝之

肯調

秀水令植善鋤強不避豪貴氣剛敢為吏民畏服公

以憂家居時潞安協濟平陽軍需脚夫則出之平陽嗣以餽運費煩遂為代納米豆公言於當事得免又

各府納草豆於太同者率轉輸千里百姓苦之公言於給事何公相如疏罷之其為德於桑梓者類如此

王

予穀

字述欽侍御應元季子幼聰穎善屬文屢困棘闈攻苦益堅侍御嘗曰繼祖父書香者其在此

子乎巡鹽李公彙試三省文行第一延入河東書院蒙宰郝文敏公嘗一見奇之曰烏衣佳子弟也侍御

有後矣生平慷慨好義康熙辛未壬申間三晉荒歉散財散粟煮粥賑濟親疎均沾全活甚衆時曲沃賈

舍人鳴璽貸粟於公公即傾囷以贈涑水道上車數十輅絡繹相屬一時傳為義舉故公歿而管鮑之知

舍人歿齒不忘云子濬丁卯戊辰聯捷淳壬午舉人揀次教諭濤辛卯舉人孫育棟丁未進士濬字次崖

德器醇謹孝友性成成名後猶恂恂如童子然邑先達咸謂千里可期乃以久侍母疾疴瘠而卒先是病中屢夢顏子嘆曰顏子年三十二余今三十四殆不起乎卒之日士林悼惜哀輓成帙

郭九同

字繹及號豫亭向宸孫幼工屬文與兄九會齊名績學艱於遇志終不少挫積帖括文稿數千

篇年五十五始登賢書聯庚辰進士知者皆手額稱快任新野令簡易慈惠不務赫赫名士民皆愛戴之而雅不為當道所喜卒以年老脫然而歸里居食貧口吟手披泊如也繼兄闕敬交社講學課文遠近爭赴成就人士甚夥為人沉默鎮靜喜怒不形言笑不苟忠厚待物未嘗逆億邑中稱長者必首推之以為有乃祖風焉

壽八十卒

荆文康

字佐平可樞孫長厚醇謹與物無競事母撫弟

因心孝友由庚辰進士授郟城令甫下車值歲饑不俟申報開倉貸粟至秋民爭輸倉如額歲不為災當事稱之邑紳劉某之弟因命案繫獄累年嘗暮夜餽公千金峻却之尋察其枉力白於當事出之諸生李某家兩婢夜為盜殺盜逸不能自白公廉得其

實力為昭雪邑有磨山湖每秋夏水漲瀾漫無際行人苦之公砌石堰四十餘里人不病涉在郊七年廢墜悉舉尋陞主事候補抵里捐貲拓宗祠刊譜牒篤親利物撫孤姪援例入國學辛丑大荒族黨各有資助嘗集驗方施藥餌棺木以濟貧乏

戊戌舉鄉飲大賓于嚴恂乙酉舉人

喬于瀛

字子登號涑園壯居子少穎悟過目成誦由庚辰進士授遷安令練達有為連攝數篆尋以運

米塞外有功擢會考府主事歷考功員外驗封郎中皆以廉能稱補廣西右江道冰檠自持力任艱鉅僉人藍章保負固拒捕督撫會題將殄之公獨持不可請自行勸諭僉人感泣事遂平泗城土府岑映宸以查邊弄兵地方騷動督臣以聞奉

旨嚴勘咸以土兵狂悍安籠瘴惡無敢任者公毅然請行

映宸聞其至手額曰喬公仁人我輩其甦矣無不輸誠請罪而公遂以觸瘴中毒歸歿於署撫軍韓親臨檢視筭無餘衣囊無餘俸惟四僕環篲傍徨為之感痛捐金賻助櫬乃得歸子學鈞例貢

陳憲愚

字果千號智若福建司理適度長子嗜學工文卒扼於遇僅以明經老立身居家刻苦勤儉一

介非義不輕取與事無鉅細皆先慮謹備推誠與人
恂恂無驕盈氣然性嚴重剛介言笑不苟訓子孫動
止有法教生徒品行爲先宗戚友朋咸敬憚之無敢
以情容見者已酉春正邑侯宋舉鄉飲酒禮首擬大
賓固辭不就數日而王
樓赴召矣壽七十有四

忠烈

見危授命乃人生不易觀之事亦宇宙不可少之人然
非內蘊真誠之志素明成仁之義一旦危難當前又烏
能冒白刃而不顧比鴻毛以自輕乎猗邑自唐迄明或
以臣死忠或以子死孝精忠大節直與日月爭光夫非
所謂見危授命者乎故特記之以風世焉

唐

封常清

幼孤貧從外祖學年過三十未有名一日投牒

請豫都知兵馬使高仙芝部下僉從仙芝以貌
陋兩請不納常清怒曰我慕公義願事鞭勒公以貌
取士恐失子羽仙芝不得已竄名僉中會計達奚諸
部常清潛作捷布具記井泉次舍克賊形勢謀畧甚
悉仙芝取讀皆意所欲出乃大駭即用之遂知名累

以軍功擢為節度判官仙芝委家事于即將鄭德詮其乳母子也威動軍中常清嘗自外還諸將前謁德詮見常清始貴易之走馬突常清騶士去常清命左右引德詮至廷中門輒閉因離席曰吾起細微中丞公過聽以主留事即將安得無禮因叱曰須暫假郎將死以肅吾軍因杖死以面仆地曳出之仙芝妻及乳母哭門外救請不能得遽以狀白仙芝仙芝驚及見常清憚其公不敢讓常清亦不謝會大將有罪又殺二人軍中莫不股慄未幾擢北庭都護持節伊西節度使性勤儉耐勞苦賞罰分明天寶末安祿山反以常清為范陽節度副大使募兵得六萬人然皆市井庸保乃部分旗幟斷河陽橋以守移書平原令太守顏真卿以兵七千防河真卿馳使司兵參軍事李平入奏常清取平表發視即倚帳作書移真卿勸堅守且傳購祿山檄數十函與之真卿得以分曉諸郡祿山渡河隔榮陽入麗子谷先驅至蔡園常清使驍騎拒之殺拓羯數十百人賊大軍至戰不利引兵守宣仁門復敗乃自提象門出伐大木塞道以殿常清入關欲見上陳討賊事至渭南有詔赴潼關常清為表以謝且言自東京陷三遣使表論成敗不得對臣

死後望陛下無輕此賊乃以表授邊令誠而死人多哀之

張介然

本名六朗性慎愿長計畫始為河隴支郡太守

啓曰臣位三品當給祭戰若列于京師雖富貴不為鄉人知願得列戟故里明皇許之別賜戰京師門第

仍賜緇五百匹本鄉得列戟自介然始祿山反授河

南節度採訪使守陳留時太平久不知戰介然到屯

金

南

仲

南家庄人以孝廉稱興定六年始授敦武治解

金虎符總判河中府事後因元兵至先士卒死之

明

馮守禮

字約中初誕岡鄉劉近塘慶馮氏門有正氣扁異之謂公父曰此子必樹非常以姪女妻之公

偉軀幹負意氣為諸生時縣令賈某編審兄守仁充
里長以本里絕亡丁多盡老幼代補猶未足額令將
朴之公趨前曰兄無罪為何加刑且率一家代人編
徭好義者不獲自免余何顏立學校中乎遂掛巾公
門令舍嗔釋之是年秋實與令舉解及公曰秋闈大
物余特屬望蓋抑掄也公諾謝迨榜放公果得薦令
甚慙會有疑獄令謂訴者得馮孝廉刺獄可釋也訴
者懷多金致令指意公曰成我者賈公也而又因以
為利敗孰甚焉弗許由是令益偉公以祿養計授平
定學正有葛誼縑兄弟爭貲相訟誼縑餽公夜金公
峻却之且為開導友讓之義二生感泣息爭丁憂服
闋補莒州學正陞萊蕪知縣癸未本朝兵入境或
勸發家口出城公厲聲曰家口發則民無固志城誰
與守兵至圍攻不克逾五日雲梯逼墜遂陷公乘堙
誓二子摠奇拱奇曰我父子致命今日必死于戰勿
就戮辱國也大兵登城諭降公揮刀直撲二子翊之
擊傷甚多大兵引彊攢射公數中流矢乃躍踴呼號
捧刀自殺二子亦自殺皆伏父尸大兵咋指壯之事
後巡按余題請卹蔭賜勘合給殉難知縣子揄奇扶
柩回籍其門人張曜武贊云臣死於君子死於父先

生一門節義
是聚祀鄉賢

王震仲

字翰突貌魁梧有膽畧生時父庠生陽楨夢金

酉中武舉壬戌中副榜進士初除許莊堡操守防禦
有功累遷直定府中營遊擊時臨贊邢西一帶土寇
猖獗官兵屢為所挫震仲單騎臨賊諭以大義降者
數千易州告急保督檄催救援銜枚夜趨獲謀者上
雲土知敵意向入城戒邏卒聞警勿譁譁者斬黎明
哨騎突至攻無備也俄爾陣上旌旗森豎寂無人聲
敵疑有伏稍卻發礮擊之跟踉遁去時畿南地方相
繼告陷惟易安堵事平以功進本營副總兵保督楊
文岳待以國士帷幄機密悉以咨之建牙河間府督
團練事值叛將任國奇率眾四千盤踞泊頭鎮橫行
剽掠震仲欲勦之時闖賊寇汴標兵盡赴調援乃懸
賞募步卒三百為後勁率親丁四十騎夜擣賊營賊
錯愕奔竄自相踐踏殺傷甚多天明步卒失期賊始
知為孤軍所襲躡其黨圍之數重震仲躍馬奮呼突
圍轉戰自辰至酉常矢如蝟北向呼曰臣力竭矣日
返照而將星隕闔郡官民慟之保督題報請卹值邊

猗氏縣志

卷之五

三十四

警倥偬部議弗及誠闕典也祀
鄉賢孫錫秩康熙壬寅恩貢

武功附

唐

陳政

字宏道茂之子儻有文武大畧善鍾律便弓馬年十七為太子千牛備身歸唐為梁州總管

羅誠

字士信羅村人唐太宗之將也

韓忠環

羅村人從馬侍中破李懷光英勇克敵屢有捷功配北平王祠

段彥春

楚侯人馬侍中驍將也便弓馬從軍破叛配北平王祠

李自良

從馬侍中攻李懷光于河中數履陣破敵功在諸將右後代燧克河中節度使居治九年上下

諸附配北平王祠

靳致堯

黃頭景人智勇邁倫數從馬侍中破賊諸將無出其右官至平水毛麾配北平祠太清觀有墓

威靈顯赫邑人奉祠

新刊

卷之五

三十五

猗氏縣志卷之五

孝義

愛其親者必能愛人之親敬其長者必能敬人之長此天性之所推亦君子錫類之仁也可行之宗族鄉黨焉可行之邦國天下焉故曰孝友任卹婣睦則比戶可封也猗多孝友得蓼義常棣之遺而見義必爲急難解紛之事又徃徃而是故悉考核錄列以勸敦本云

孝

元魏

令狐仕

兄弟四人早喪父泣慕十載奉養其母孝著鄉邑力田積粟博施不已祀鄉賢

樊衡

性至孝喪父負土成墳植栢方數十畝朝夕號慕子遜

後周

荆

可

性質朴勞力以養母隨時甘旨不貳母喪水漿不入口三日悲號擗踊絕而復蘇者數四葬後

廬於墓側晝夜悲哭負土成墳築食飲水蓬髮不櫛哀感遠近大統中鄉人上言可孝行足以勸勵風俗周文令州縣表異之服終之後大冢宰晉公護聞其孝行特引見焉與可言論時有會於心護亦至孝其母閻氏沒於敵境不測存亡每見可自傷可卒護猶思其純孝收其妻子於京師恒給衣食祀鄉賢

元

王庭祥

百支里人七歲其妹殤哭甚哀既痊悲曰妹入土不可復見他日父母歿亦如是乎於是事之

益孝得鮮必先奉之飲食必親供拜饋每食八拜日二十四拜因事他適歸計補之如是者一十七年父嘗病癰以不瘥庭祥以口吮膿遂瘥母失明庭祥以舌舐復明有司以聞至元二年被旌表祀鄉賢

明

王

約

下任里人父早亡母牛氏遭風疾不能動履二

苦枕塊不飲酒食肉者三年晝寢夢人曰起水至矣

約驚起視北有雲如帶近地爲紅日俄頃水果至隣

禾

爲

孝子後侄安子龍繼登鄉科人謂孝德所致

王

良

卿字國忠性孝友兄弟七人同居子姪指繁肅讓

日夕焚香祝天隣舍生屢見而異之詢知爲兄寬也

後其人竟顯按山西獄釋之人謂積誠所感任曹州

曹允祥

字永興庠生篤孝友父癰二十餘年朝夕侍起

居進飲食敬事無怠值地震允祥亟呼起起父

忽自寢躍出如常人癰遂愈延齡九十餘卒咸謂孝

感所致事兄雖白髮猶敦稍長之敬鄉黨有相詰輒

求質無情者望廬而返

耻爲曹君所聞知焉

李

柰

貴戚坊人性至孝父彥和病篤思食煮肉柰無所易肉乃密以口噬左肱肉引刀割之作食以

進父疾遂瘳柰四十無子後二年生子鑑鑑子如玉舉於鄉為鄜州守人謂孝感所致壽八十有七冠帶

榮身五世孫學顏六世孫蔚起俱庠生

荆可標

字儀我幼喪父事母至孝自弱冠至白首不敢

十餘日衣不脫體常焚香乞代母病愈撫孤姪宏祿教訓成立每輸粟周急本邑鄰封咸沾其惠生子忠

厚正直嘗以吾邑理學珍吾先生自型歿祀鄉賢子世爵

國朝

陸紹祖

字成緒庠生性孝友居父喪哀毀盡禮廬墓側朝夕號慕及母喪亦如之兄弟析爨美產讓兄

自甘淡泊子運際運禧俱登進士雖以子貴恒朴素醇謹不異寒士家風

王國正

兩楊里人幼孤貧不能娶子身奉孀母備孝養兵亂負母逃難陷賊營賊感其孝釋之七母終

廬墓號泣順治十三年
巡按高爾位題請旌表

張朝紀大陳里人年十八以母久病日焚香祝天一夕
夢神語曰汝母病食汝臂肉可愈也紀遂刲臂

肉以奉母後果瘳士庶
公舉於縣給扁旌獎

張志奇

興教坊人已丑之亂父母以次負出城外輓車遠遁
俱耄艱於步履志奇以次負出城外輓車遠遁

免於難後父母相繼亡伯父母亦死無所歸志奇
孤身舉四喪竭力營葬終歲行傭自給人多義之

李瑞龍

庠生性純篤父母老事之甚謹先意承志雖唾
孟溺器必躬奉之父母安其養雖時就養伯仲

而寢處恒依季子
問黨稱其孝云

令狐永觀

字四貞注子性孝友丙辰成進士在京師聞父
病旬日馳二千里勞瘁不支猶必親侍湯藥父

卒哀毀瘠甚旋遭母喪喪勉襄葬事病遂不起人嘆其
死孝焉器量寬厚僕嘗道遺幣物數十金懼甚乃慰

之曰遺物小失爾何懼為家居適田園見
竊麥禾蔬果者亟避之鄉人至今思其德

衛養春

初村人性孝友廢學力耕佐弟讀書成諸生事父母先意承志歿而衣衾棺槨皆力致之不留

遺憾

居鄉泣謹不欺然諾不校橫逆壽八十五歲會

孫士樞在髫年即識為讀書種子囑其勿以貧廢學

後果成進士官陵縣知縣

陸

鈞

四大夫屯人父麟定老病癱瘓轉側五年不入私

室積勞成疾遂至不起當彌留之際猶以老父抱恙奉養未終為憾人稱篤孝云

義

明

陳志

剛陳庄里人七世同居明初陳伍生大大生益益

一釜容石餘後雖析居猶留其釜祀鄉賢

衛東

知將字子開性木訥恂謹不事交游邑廩生楊國珍

試第一當餼廩楊詣東如求讓如慨許無德色縣庠
猶害於申文又為書押以卒讓焉二弟分產東却以
完屋授之自取空址一區僅營數椽與固子郭鎬
結姻人咸謂真親家云子廉官至布政司叅政
何東觀字平崗尚德子歲荒多所贖賑全活無算射圃
價嘗督修各橋廟有司
屢加旌獎例給義官

荆世承

字受若庠生可楨子孝友直方好義濟人崇禎
十三年大饑盡出其家粟以賑窮乏約二千餘

金生員尚思妻張氏舊姐也思卒族人欺陵張氏乃
寄千金於承家即以其半酬之承笑而不言數月後
承勸其族人和睦仍以原數盡付張氏邑人服其義孫時中歷官御史

王守

王村人嘗借邑人粟二千餘石遇荒輒火其契
里有貧丁不能自完室家者輒助給成婚子明

德明道俱忠厚有父風孫國瑚曾孫春楨元孫
含光含真相繼而登黃甲人咸謂忠厚之報云

荆一書

三相坊人由貧起家重義輕財伯兄不分產仲
侄告分縣官主給家貲數百兩悉讓不受遇荒

多所賑卹萬歷九年輸粟千石都御史辛應乾巡按黃應坤疏請授義官旌其門

喬通

楊姚里人正統五年奉勅輸粟千石給七品散官平生敦德修行約已奉公鄉人稱之

李子隆

楊姚里人正統五年奉勅輸粟五百石官為立碑復其身家二年

趙從政

三里人正統六年出粟千石賑饑有司以聞賜勅獎諭勞以羊酒旌為義民表其門

荆澍

崇道坊人成化十年饑輸粟千石例授七品散官大清觀有古栢二株人將伐掘澍出粟三十

石贖

李鵬

正德中刀民猖獗邑令馬綸被閹秀等誣告士民結舌鵬獨秉正赴道院愬冤事白令仍遷秩

贈鵬後以子九經貴

荆州傑

崇道坊人遇荒賑粟五十石撫按賜扁周急

侯寅

黃儀南里人嘉靖二十六年大荒寅代納一里糧項縣官重之

荆邦余

三相坊人遇荒年
多賑例給義官

衛文

與教坊人嘉靖七年饑輸粟二
百石助賑縣官義之延為鄉賓

楊世京

下任鎮人輕財仗義常施
義漿過客賴濟號曰善家

陸勝

四大夫屯人宣德三年大饑捐粟
三千石巡鹽御史劉為立義民坊

楊八元

邑庠生明末值亂保全多人慷
慨好義嘖嘖鄉閭舉鄉飲介賓

國朝

邵國昇

初王里人慷慨好義倡眾創立陳建庄兵荒後
人民死亡逃散村社為墟錢糧仍累里甲聚訟

數年不決昇捐金粟募民開墾更訴於邑令陳素抱
免稅二年鑿井築垣復成樂土邑人感陳侯德名曰

陳建庄勒碑以記後陳侯陞潼關兵備復為昇訴於縣令
獎舊每里開報富民充倉吏多至破產昇訴於縣令

高向極從公議定合縣通僱一名免其逐里開報至
今稱便子嗣堯官至江南學政人謂積德所致云

陳遼孺

閩冠過縣勒宦裔輸餉逮其父湛念遼孺毅然曰吾父年邁讀書不治家產事當問予遂代父

往慘被夾比終不色沮

荆宏祚

閩冠勒餉將逮其叔父可標宏祚嘆曰弟宦於外叔父老匿鄉中貧無餘資餉何從辦奮義傾

家貲代輸千金

張中斗

逆閩勒餉被刑慘毒或諷之曰爾兄饒裕何不使之同輸乃獨自苦耶中斗泣誓曰吾不幸當

死耳何忍并陷吾兄哉人皆義之

景星煥

爲其父可觀輸餉寇命輸五千乃更得八千金

楊世英

生員興教坊人明末大饑煮粥濟人全活甚衆享壽八十邑令楊乾晉旌其門

荆之屏

字憲伯庠生世承子性豪邁每爲人排難解紛鄉里賴之尤樂施予焚債券千餘章感德者衆舉

鄉飲次賓

王丕功

下任鎮民天性孝友於其父母生養死葬皆身任之槩不責諸兄弟撫孤姪如子四世三十餘

口同居無間言里黨有爭功力為解釋不使成訟鄉人重之公舉於邑令陳表為孝義之門

杜忠

閭家莊人推魯有至性父母病不事醫藥惟竭誠懇禱尋亦皆愈嘗為其父禱解州關帝廟膝

行泥淖中往返百里手一篲一轉一稽顙夜則露宿塗中五年五往返不急也又嘗為其母禱叢祠中冒雪膝行至則祠門自開人咸驚異居恒能行溫清之禮遇冬晨則先著父母之衣煖而後解以進夕於襖被亦然飲食之奉雖不能備物然亦必供其所嗜云邑令宋表其閭

李天德

興教坊染工也目不私室已念其父衰老需人幾絕苦處三年不入私室已念其父衰老需人

勸之繼娶以侍起居口體之養皆竭力供奉繼母嘗卧病久床褥沾漬德數日輒一為湔浣不以不潔為嫌也居恒衣食所餘即貸於人槩不取息邑紳士嘉其孝義多為詩歌以贈之

狹氏縣志

卷之五

隱逸

不事王侯高尚其志遯世無悶之君子也若夫小隱山林大隱朝市不過爲軒冕解嘲耳然或性耽于泉石情錮于煙霞即未能與托跡漆園陸沉金馬者比而石隱自潔以視夫計身後名者亦異矣王叔朗之物外司馬韋敬遠之琴書居士豈減於潯陽三隱渚宮二疏耶如以終南作捷徑者驟充之則吾豈敢

明

楊守中

字彥庸興教坊人博通經史尤善詩文隱德不仕洪武詔至內府延及半載禮送原籍

閻居敬

字行簡香落里人以翰墨顯於世隱德不仕

李懇

字仲誠郭村里人號夢龕道人以詩文名世增胡曾詩各二聯隱德不仕

王鳳見

尉庄里人席貴嗜學不與庸俗伍所著有詩經便韻萬竹園集時號竹窓道人古隱君子風

張嘉賓

號兩山儒子少雋穎習舉子業累科不第入上舍為福山丞丞職微雅不樂敲朴且羞折腰會

侄問明登第遂棄官歸晚年子弟彌盛不親塵囂唯與知友以絃歌自娛凡境內名勝必將有車轍馬跡

馬愛人喜施時有馬生者官罷不能歸公養之數年卒資給而遣之時咸稱馬子問德官通判孫煥乾官

知州

米萬斛

興教坊人家貧隱居不仕明經術教授生徒矜嚴禮法知名士多出其門號曰古坡先生

令狐景雲

字元慶性孝友制行醇謹精岐黃理活人甚衆有感而報之者謝曰吾非術士流却弗受

遇饑寒貧乏者往往解衣推食殆無虛日邑令推重其賢延為鄉飲賓居恒以仁讓訓子二子廷瓚廷器

皆以醇謹聞有司扁其門曰兩世善士蕭蕭以陰王聞其名嘗延之樂善書院詩酒唱酬動翰旬月後年

踰七旬王手繪其像以遺之且贈句云縮地無餘
丹青畫上看其取重於賢王如此孫總錕曾孫一槐
一栢一模一榱四世孫濬泌注五世孫永燮永輝永
年來觀六世孫言東列科貢者五世十人游膠庠者
六十餘人謂非
積厚所遺哉

國朝

耿應昇

號一公車畢事不謁銓而歸敦行守道絕跡公門

耕獲菑畲皆躬親之嘗有詩云萬里雲霄意百年畝
畝身那知漢陰丈亦是武陵人友人王含光曰吾每
對一如如見元紫芝令人名利之心都盡時與荆王
土張璞先後相繼擅文名而恬靜矜嚴更稱隱君子
云

郭向宸

字葵一孔固子廩生績學工文前輩咸以一息
千里期之值李自成之亂以宦齋勒餉破產罹

毒慨然曰是尚可以千祿乎哉遂謝科舉業避地邑
西鄙涑溪之側居人十餘家茅舍數椽閉戶恬吟繡

閱自適足跡不至城市輒有處士風格爲人宅心忠
厚善氣迎人鄉居招徠流冗撫循孤寒人多歸之不
二十年遂成大聚落人謂彥方
再見云孫九會解元九同進士

方技

道成而上藝成而下不可同年而語也然一藝之精通於神明故曰雖小道必有可觀者焉考之史傳具載方技以言進道雖未敢知若論其技不可沒也故志之

明張汝霖

號濟川杜村人初業儒後謝帖括專心岐黃之術為名醫源頭一僧常患暑汲井水沃顙濟川

見之曰一月之後將患頭痛不可忍當亟服藥僧不聽月餘果頭痛坐卧無措乃詣濟川濟川曰今始求藥遲矣頭痛果愈有某者患痞疾數年疔羸甚濟川曰隕而頭痛傷寒則大愈無幾某果變症患熱疾增劇若得變症傷寒則大愈無幾某果變症患熱疾增劇家人惶遽求濟川濟川備問寢息唾嗽狀曰可勿藥有喜也家人以不藥為疑濟川乃出一方示之曰但令發汗即愈矣家人歸人爭謂自濟川所得奇方視之止數味無異尋常疑信者半及服之汗出遂痊濟川尤精太素脉每決人生死天壽無不中然不肯輕

言有求療治者必盡心調理不計利人以此益重之
常預知死期謂其子孫曰吾于某年月日必死凡吾
書未就者當速為補葺于是口誦若干卷令其子錄
之至藏書盈箱凡有殘闕者悉語其子曰某卷某葉
失幾字訛幾字一一校訂殆無遺漏其學之邃博如
此親友聞而駭之爭來觀濟川曰明年某月吾必死
親友愛我者當期前一日共至吾所嚬飲以盡生平
歡及期親友果聚濟川黃髮童顏扶杖徐步無恙也
相與笑語竟夕至次日令其子視棺余設喪次因正
衣冠瞑目而逝年九十有四入爭異之相傳為仙去

猗氏縣志卷之五

耆壽

洪範五福壽居其一此憲老乞言鄉飲酒禮之典所以歷百世而不替也然必有盛德以符之斯黃耆鮐背爲可貴耳不然空腹之槐痾癭之柳歷年雖久奚益哉故考其齒德俱優者筆之以爲行仁履義者勸

明

潘海

貴戚坊人年九十五歲愿謹直方延鄉賓子銓見人物列傳年八十五歲孫舜夫禹夫

潘舜夫

年九十歲子允中庠生

潘禹夫

年九十六歲子雲翼庠生

潘雲翱

年八十
六歲

潘雲翔

舉鄉賓巡按伊闕扁曰善士行年九十闔邑紳
衿爲文公賀登堂者幾千人庠生毓靈其子也

荆誌

崇道坊人年八十九歲舉
鄉賓爲壽官孫晟舉人

郭宗

興教坊人年九十一
歲舉鄉賓爲壽官

耿士良

興教坊人年九
十三歲舉鄉賓

曹綺

貴戚坊人年九
十一歲舉鄉賓

曹鈴

貴戚坊人年九十三歲封學錄舉鄉賓子嘉績
貢任學錄歷寧隴二州知州愿厚長者裔葉繁

竹

杜尚德

荆楊村人年九
十三歲舉鄉賓

令狐廷器

王鑑村人年九
十六歲舉鄉賓

令狐廷玉 王鑑村人年九十歲舉鄉賓

耿尚質 興教坊人年九十歲

任善 楊姚里人年九十歲

路來賢 百俊楊里人邑庠生九十三歲

楊錦 百俊楊里人年八十二歲舉鄉賓以子時芳貴封通判

曹宗信 荆楊村人舉鄉賓夫婦俱年九十五歲

常廷珍 貴戚坊人爲壽官夫婦俱年九十六歲

趙繼儒 楚侯里人年七十七歲督橋勤慎起立城隍廟會知縣馬扁其門曰公直孚人

史奎 三相坊人夫婦俱年九十八歲

楊重 下任里人年九十三歲

景資

下任里人年九十七歲

楊世芳

興教坊人年九十歲

荆汝一

崇道坊人年八十二歲舉鄉賓

荆思恭

崇道坊人年七十五歲

王瓚

原頭里人年九十歲縣給冠帶

令狐棟

王鑑村人庠生年八十七歲

荆汝栢

體道子增廣生年八十七歲

原維新

省祭年九十八歲

景廷玉

明靈邱倉官壽九旬有八子壽官昂壽九旬有五昂子昌黎知縣可觀壽九旬有六觀長子韓

藩審理星現壽八旬有四次子平鄉典史之煥壽九旬有一人稱四世耄壽云

國朝

裴應蛟

字望川父臨庠生早止事孀母荆至孝初業儒後習岐黃術遠近就療者日接踵至悉心調理

痊活無算而未嘗計謝為社長廟宇寺觀多所修葺先後縣令咸優禮之數延鄉賓止一赴闔邑公舉母

荆苦節詔建坊旌之闖寇之亂過其門者日節婦孝子之居無相犯也年躋大耋隣邑集筐篚為祝者以

百數得壽八十有六子承秀傳其業

張啟勲

號柱峯幼喪父孝事孀母每年九十三歲親友致賀登堂者數百人保舉鄉約三十五年息事

寧人上下重之捐貲財修寺廟供神會公誠孚人五世同居無間言壽八十四歲孫孝極壬子副榜貢

王基

王寮村人年八十五歲

何起鯤

三相坊人舉鄉賓年八十七歲子泉達庠生

裴承秀

三相坊人業醫孝友壽踰八旬舉鄉飲經縣令給扁旌之

潘毓靈

庠生耕讀自適不與戶外事舉行優年八十四歲子紫芝生員孫克中廩膳生

張幡然

百俊人力農安分鄉人重之年九十一歲太守秦公諱棠表其門子積素工畫擅名於時

令狐啟任

百俊里人年九十五歲

令狐周基

百俊里人年九十五歲

衛周垣

興教坊人年八十五歲

韓岵望

齊村里人年八十四歲

陳王言

初王里生員年九十歲

陳王命

生員年九十四歲

令狐洛

生員年八十一歲

梁海

郭村人以好義稱村居洿下歲遇霖潦輒有水患海捐地畝餘為池渚水自是水不為害鄉人

德之嘗舉鄉飲
耆實壽八十二

陳河北

王景村人好義樂施明

歲大侵糗粥濟饑多
房曹屢表其門壽八

十一而卒至今子孫繁
衍衣冠不絕子從王

何雲鵬

孫家庄人泣心質行服

力穡終身未入城市
殊恩賜老人粟帛

鵬凡三與焉邑令錢
旌其門曰百歲坊

何淑元

下趙村人康熙中
耆實壽九十一歲

王命侯

壽七十六康熙中舉
鄉飲賓子勛庠生

張念祖

翟村人雍正七年舉
鄉飲賓壽

張庭訓

邑庠生在泮六十年
乞休壽至九十子王
裔同歲

卷之六

卷之五

四十六

猗氏縣志卷之六

同知平陽府事濟寧潘 鑑纂輯

知猗氏縣事文登宋之樹重輯

列女

士大夫幼習詩書長麗澤於師友顧當死生患難之際
猶多委蛇遷就而弗果矧婦人女子生長深閨未嫻師
訓乃一旦珠分鏡破獨能以節義自裁不誠難哉此引
繩封髮斷齒投梭者歷代所以不絕書也邑志自衛太
史脩輯之後劉太守重脩府志又復廣爲採訪貞姬賢
媛當事既極精嚴載筆又爲詳慎故悉以錄之今卽有

新增節烈亦皆稽覈周詳闡幽發隱非過峻以鳴高也
蓋以天地之正氣所鍾而聖賢之名教所寄難之慎之
正所以重之也

元

薛門三節

薛圭妻王氏年二十適圭生子璧周歲而圭卒姑垂白在堂四壁蕭然王以紡績為業孝

姑育子守節弗渝後壁娶杜氏從戍卒杜年二十六父母痛其少寡欲更嫁之杜曰妾姑守節無玷豈忍

棄姑失節耶遂奉姑相繼守節比王壽終杜以禮祭葬壁從弟珍娶趙氏年二十珍亡無子亦守志不他

適孝姑愈謹至元間旌表為三節之門

楊門雙節

楊恩妻趙氏生子彥貞總九月恩亡趙養姑育子甘貧守節茹澹攻苦皇慶中旌表其門

彥貞娶杜氏亦早亡遺子思諭方五歲杜年二十四誓不再醮守節如姑比趙壽終杜禮葬如儀姑婦守

節始終無玷至元四年旌為興節之門明宣德間山西按察使張政并前薛氏三節為著五節傳

明

何氏

廩生王臣妻鄉賢鴻臚濟女生子宗甫周歲臣卒何年二十四矢心苦節斥錙綺不御日事績紡奉

養孀姑未嘗以貧故缺甘旨比歿葬祭俱如禮教宗成進士任工部郎中姪宏四歲父母俱喪何教養如宗遠近以賢孝稱有司以聞詔旌門閭

解氏

太僕少卿翟敬母夫通早世遺二子宣五歲敬三歲解年二十七守志撫孤訓宣業農訓敬業儒朝

夕躬紡織以資養鬻環釧以佐費雖貧苦未嘗戚形于色孀居五十餘年享壽八十六而終後敬成進士歷官太僕寺少卿贈解恭人

令狐氏

隱士景雲女夫喬妻病亡氏年二十二幼男世卿未及一週即歿夫自死慮藐孤無托乃堅志

守節家徒壁立日夜勤紡績搯井臼訓子務期成立至老端嚴外戶不窺內言不出鄉人莫不敬憚孀居

六十二年壽八十四院道給扁旌獎仍免二孫
繼顯繼賢差徭萬歷中巡按趙公題請建坊

陳氏

令狐綱妻年二十三而寡遺子一槍方二歲一桐甫七日家貧歲荒或諷以他適號泣誓天晨昏績

紉孝事翁姑撫子讀書成立四十餘年始終一節陰慶二年提學劉奮庸知縣江潤旌表其門

丁氏

程村里監生沈廷吉繼配廷吉年四十五娶丁三載而亡丁年二十三苦志守節撫育二孤傭作女

紅以供姑養孀居垂五十載孳心實苦於青年蘭操無虧于白首隆慶二年巡按御史宋公旌表其門

張氏

下任里任宏妻年二十三而寡遺孤闕周歲族入乘子幼逼改適以圖產業張引刀斷髮毀面誓不

再醮族惡日夜謀斃其子張匿闕為戶者數年及闕總角張始泣曰吾始為汝母汝始為吾子矣織紡佐

讀闕早貢于鄉官河間通判孫汝亮成進士猶及祿養年八十一卒隆慶已巳建坊旌表

楊氏

興教坊庠生耿節妻年十八夫亡遺子顯孝方八月舍哀鞠育及長教訓入庠常茹齋衣素以苦節

自勵歷五十餘年卒

楊阿雙節 姚氏百俊里揚騰龍繼妻孫氏騰龍亦故持孫年二

十三姚年十九姚生文方半歲孫生子佳允方一歲姑婦抱持遺孤形影相吊矢志死守持節益堅屢蒙

旌獎

管氏 滑家塢里史文德妻年二十二而寡翁姑俱老子方踰歲劬勞樵汲孝事舅姑及歿葬祭脩禮守節

五十餘年 屢蒙旌獎

李氏 興教坊庠生衛道妻年二十夫亡泣誓不二紡績自給訓孤業耕守節四十餘年屢蒙旌獎

辰氏 三相坊荆一德妻年二十二夫亡遺腹五月始生一子拮据鞠育以紡績補綴資養苦節三十餘年

屢蒙旌獎

張氏 原頭里杜江妻年二十三喪夫時子方娠未生姻戚諷以改圖張毀面自誓緝緝執節事姑以孝聞

鞠遺腹子成立人無間言屢蒙旌獎

孔氏

三相坊何東直妻三載夫亡草樓絕粒釜餽生塵躬紡績奉姑饗飧孝敬備至撫子成立屢蒙旌獎

王氏

百俊里孫周妻年二十八而寡遺孤猶在襁褓或以微言動之輒恚曰此言何至于我耳遂斷髮毀

面足不踰門卒全其節屢蒙上司旌獎

令狐氏

舉人楊聯芳妻少有志性從父鏜受列女傳歸楊篝燈相夫子讀書中鄉魁芳尋病瘵卒令狐

方三十七歲止孤女父母恐其失所勸之更志則痛哭曰令狐氏詩書禮義之族寧容有再醮婦且少時

父所授詩傳謂何乃迫一女尺組下耶自是不抵父舍隣人有持價易舍傍基址者斥曰吾孀而棄夫之

宅何顏見夫子地下乎絕葦茹素不御綺羅守節二十餘年卒知縣管鰥如教諭鄭溢扁其門

范氏

李成賢妻孝子李柰曾孫婦也年二十三賢亡遺孤學顏三歲抗志守節盡屏華飾步履不踰庭閭

冰霜凜然無敢以非禮語犯者教子入學孫蔚起亦游洋巡按祝禮部李題請旌表

張氏

興教坊楊繼志妻年二十九夫亡無子撫前妻子如已出巨族欲娶者衆竟不能奪守節五十年

廖蒙上
旌獎

閻氏

喬應徵妻廩生良貴女年二十一夫亡遺孤挺秀方半歲毅然守志孝養翁姑撫子成立每戒以敦

尚行義非徒後艷文辭後秀以明經貢于鄉
巡按康守道詹提學周知府李各給扁旌獎

荆氏

三相坊庠生裴鵬妻鵬早世荆矢志堅守啣恤撫孤四十餘年言笑不苟內外凜凜如子應龍應蛟俱

克遵母訓邑里稱羨巡按徐楊先
宗伯林堯俞題請建坊旌其門

楊氏

興教坊庠生李光普妻普積學工文早喪楊年二十五家貧傭女紅度日撫養幼孤成立苦節壽終

族黨
欽之

張氏

崇道坊庠生常元楨妻年十八夫亡遺孤甫六月四壁吟風一燈照夜撫養成立面如嚴霜義不出

戶元楨弟家常患鬼祟即貴介大紳至門撫瓦飛礮張至則無聲其冰霜之操鬼神俱凜如此直指以聞

詔之

董氏

興教坊米萬厥妻姑幾百歲失明夫亦瞽不能周
養董勤績紡博升合以給食冬寒負之逐日每先

姑後夫夜無衾以足挽夫環抱其姑解衣相覆
而寢數年如一日當路旌其門曰賢孝之婦

陳氏

訓導毓秀姑庠生孫昌期妻夫為族人昌祚凌更
死陳年二十一並無子女奮然以復仇為志屢控

當道訴夫冤百苦備經後蒙審理旆草昌祚衣頂遂
哭告夫墓前曰夫冤稍伸妾可從死矣但慮舅姑老

無人養耳于是勤績緝捺井臼生事死葬盡禮無缺
孀居五十八年壽七十九歲以家寒無子未獲旌表

朱氏

百俊里卞和王妻王與楊生忤楊生動詬其父母
王忿刺之死亦自經時朱年十九歲嘆曰夫能力

誅讐人以義自死妾何惜以身殉夫乎遂閉戶縊一
時節義之名動聞邑里人爭為詩以輓之喬侍御有

句云父仇耻與天俱
戴夫死羞稱人未亡

姚氏

百俊楊里武舉令狐縉妻年十九而寡矢死守節
撫前二子相繼入贅孀居六十餘年詔旌其門

張氏

庠生何洪烈妻年二十一夫亡哀慟絕食矢志死
從復以懷娠未生下忍悲然數月後生一子起鶚

維時翁姑早世衣食蕭索鞠育遺孤丙夜績紡時有
閨門整肅之譽以慈代嚴訓子入泮二孫相繼俱入

翼宮享
壽七十

原氏

雷汝茂妻夫早卒矢志守節壽八十七萬歷四十
四年詔建旌節坊泰昌元年又詔建天朝旌節坊

陳氏

廩生喬唐建妻年二十七夫亡守節孝事舅姑比
終喪葬盡禮撫幼子震英成立壽八十二歲有司

旌
獎

荆氏

行人王春楨妻誥贈恭人少寡守節屏華綺薰澤
御臨撫孤事舅姑滄颺洗腆時子含光甫七歲外

則受經于祖內則稟教于母朝夕督課遂早為知名
士午未聯捷繼祖父三世為行人伏膺自陳母節詔

建坊以旌之
疏見藝文志

荆氏

庠生衛珣妻司寇州俊妹也珣早卒荆矢志守節
撫孤周旬周儀值族人凌侮幼孤被繫荆筑筑脩

拯艱苦益教子勵志讀書後皆入泮周旬尤以文
名著貢于鄉皆荆以慈代嚴之訓也歿蒙旌節

郝氏

三相坊義官孔學易妻二十三歲夫卒慟絕者再欲自經人伺之急得不死徐思曰舅姑猶存孤子

在抱仰事俯育不可無人乃強進食茹苦守貞晨昏績紡以供甘旨親喪盡禮訓子成立三十七年操凜

冰霜有司以聞勅建坊給粟以旌之其子伯江有義女名云姐適崇道坊張有春年十七遭闖寇亂知義

不辱抱子匿井中賊以火薰之死蓋由郝之貞訓有素也知縣陳素抱為之傳

王氏

舉人閻養醇妻年三十守節撫孤有司旌獎

張氏

廩生荆可楓妻年二十七守節

李氏

三相坊何起荆妻年二十守節

王氏

何士俊妻年二十七夫亡二子俱幼家貧無依矢志守節織紡度日撫二子成立壽七十三

李氏

屯西里曹鳳翔妻年二十六歲守節

楊氏

荆永芳妻年二十守節撫子作撫成立八泮

何氏李春賢妻年二十八守節子際杲際景俱入泮

陸氏四大夫屯庠生振奇女適安邑義民廣名揚甲申闖賊亂陸全母劉氏逃難堡中至屯南突闖兵至

亟竄避野塚叢棘中俄賊搜之出以利誘相從不可遂脇載馬上以行陸輒自投馬下罵不絕口如是者

三露办夷之陸罵曰死即死矣決不以良人家隨賊汚也遂伏办

令狐氏明崇禎初邑紳喬應甲卒子拱秀偕妻令狐氏被逮胥吏迫就道以手推令狐拂其小指令狐

毅然正色曰吾指乃為賊吏所汚耶此指無用矣不可復留即以夾剪斷其小指人咸憚其烈焉

張氏小楊里王承倫妻

王氏上里西里劉得盛妻

張氏杜村里原天倫妻

曹氏貴城坊趙天福妻

王氏

王寮里張嘉猷妻

張氏

上里西里高守山妻

關氏

景滑里鄭繼芳妻

荆氏

王寮里張問仁妻

張氏

貴戚坊楊邦正妻

國朝

張門雙節

潘氏為興教坊庠生張嘉猷繼配嘉猷蚤失偶繼聘潘一貧如洗潘機杼佐讀夫喪孀居

守孤拮据撫育焚焚三十餘年教子士瑞入泮不墜家聲台司旌其門次子士祿娶薛氏亦早卒無子薛

誓依孀姑紡績自給撫士瑞子三俊為子苦節立孤年踰六旬而卒有司旌獎

王氏

贈朝議大夫儒中夏繼配幼有膽識歸衛食貧操作事翁姑備孝養前室女如已出生子紹芳甫

十二齡夫病革瞪目視玉王泣曰君勿以後事爲憂
舅姑年老我當其責遺孤善讀書庶不墜宗乎夫
遂瞑踰月翁又卒二喪相繼四壁空立乃盡鬻衣飾
更以績紵所易竭力襄葬事毅然守志不輕言笑族
黨或以孤寡相凌即厲色以正義責之人莫敢犯如
戚以禮餽遺亦不輕受常訓子曰人須自立勿受人
憐也後闔學議請旌節王聞曰守節婦職耳沽名奚
爲也命子謝止之疊遭凶荒兵亂保抱諸孫艱苦窘
棘終以無虞屢蒙直指旌獎給粟布芳後成進士歷
官副使恪遵母訓以理學經濟著于時王以子貴誥
封太恭人時孫既齊亦成進士授翰林王
猶手親紡績以訓諸孫婦得壽七十有七

張氏

庠生喬震茂妻知州張煥乾女年二十四舉子士
容甫三月夫卒朝夕號慟柩側引綆欲自懸人知

而防之乃絕粒不食母數勸曰有嬰在抱奈何即欲
殉死不虞貽泉下感乎乃勉進溢米然終不櫛沐毀
容自廢迄改歲病卒蓋自秋徂春未嘗一食忘死也
古稱從容就義爲人所難烈婦可謂爲其難者矣後
闔學公舉蒙
台司旌獎

荆氏

鎮撫令狐燭妻年二十三而寡僅遺一女方歲餘
含哀鞠育後女亦早卒煢煢隻身茹苦孀居四十

六年得壽六十
九歲有司旌獎

王門三節

廩生王濟楨妻令狐氏年二十九而寡節凜
冰霜撫四孤子俱齠齡著雋名含宏中順治

辛卯舉人公車寓燕病卒後三子亦相繼夭姒介氏
庠生周楨妻解州鄉官妻熊女十八歲夫亡無子泣

血矢志內外肅然雖諸從子亦罕見見亦不踰閭馬
闔學公舉雙貞奉院批旌表歲給粟布含宏妻令狐

氏亦十九歲而寡與孀姑相依為命姑卒祭葬盡禮
撫從孫錫銘為後苦節六十年壽八十餘卒人稱一

門三節云

介氏

庠生張誼妻夢熊次女年二十七夫喪守志屢經
兵荒家計蕭索隻身茹苦居孀三十八年得壽六

十五歲誼妻與王周楨妻兄
弟也時稱介氏有二貞女焉

原氏

庠生杜鑛妻年二十二夫亡守節日夜績紉孝養
翁姑撫子應龍始茶集蓼無他志教孫魁晉齠年

八庠得壽九十五歲卒守
道陳巡按趙俱旌表之

王氏

荆服采妻十六歲歸荆閱七歲夫病草王氏枕骨
哭屢慟屢絕姻戚解之曰若夫死矣以父母望若

以諸姑望若若死何以報夫王乃強飯勤織雖家
道艱窘事舅姑未嘗缺甘旨舅姑歿括奩具竭蹶棄

事人稱孝焉課子大學弱年游泮文學以
副榜貢入監享壽六十卒縣府申道旌獎

王氏

初王里陳國模妻年二十三夫卒無子或勸以他
適泣誓曰未亡人不即死者以夫無後撫姪男未

大忍絕血食也忍有二心乎于是立姪應運為後所
夕緝女紅以供讀書之資獲入黌序孫鏞尋亦游泮

年七十餘守節五十年
三世書香皆王之教也

李氏

大陳里張永壽妻年十八夫亡子文光在襁褓矢
心守義御恤鞠孤晨昏紡紉補綴以資養文光長

教之讀書家貧不能卒業有勸之克里書者光曰不
肖事孀母唯色養耳寧餓死不敢辱身吏胥漁牟滋

蠹也手植果園為糊口計時論以為節婦孝子出于
一門屢蒙有司給扁旌獎李氏年八十八卒文光年

七十
五卒

張氏

庠生郭至道妻少嫺內則儀止修整歸于郭伉儷情篤未幾夫故張年方二十或慮其不能終張一

執喪毀鉛膏斥采絺獨處一室目不窺戶人無敢以

喪言進者時舅姑俱逾八旬幼子京壁在襁褓毋子伶仃兼之饑饉草棲絕粒張竭力紡績生事喪

荆氏

興教坊張思順妻年二十三思順病革與之訣曰吾不幸早世爾年少當自為計荆泣誓曰翁當風

燭之年繼姑亦垂白矣堂姪崇爵齒尚髫齡吾安可舍而踐他庭乎以死自矢及夫歿哀慟數絕盡屏奩

具不復御晝夜紡績兼精刺繡事翁姑生養死葬皆如禮又為崇爵娶妻六禮之具皆荆鍼黹購易也守

節三十餘年巡
鹽李旌曰完節

原氏

張中鶴妻中鶴年二十卒原十八歲育遺腹子廷賓堅心守節織布食藿數經荒歉不踰初志後廷

賓為邑庠生屢
蒙上司旌獎

高氏衛啓士繼室年二十九夫卒時衰姑在堂藐孤在抱四壁如懸罄高厲志矢貞晨昏勤績雖供菽水

至糟糠自啜不厭也撫子廷嶼教之力

荆氏增生景毓慶妻年二十八夫亡時舅年八旬荆勤織供養教二孤以慈代嚴值歲饑舅亡竭力棄葬

事盡禮年逾七旬而終二子俱有文名象煜增生象煒拔貢人謂苦節之報也

閻氏武生喬應祐妻二十七歲夫亡守志堅如金石家貧窶茹檠自甘事姑以孝聞織紉供甘旨承歡笑

四十餘年如一日里堂事舅姑者尊為模範多相觀而化撫遺子望大至成立教之如嚴師游泮有聲

張氏庠生陳國祚妻二十七歲夫亡二子愷悌俱幼張矢志守節以織紉為生撫子成立相繼游泮行年

七十有三理家嚴肅莊重人罕見其言笑有司旌獎

喬氏廩生張炤乾妻故中丞應甲女年二十九夫故無子炤炤守一遺女矢死持節毅然不可奪歷年三

十餘蕭索日甚而苦志彌堅有司旌獎

裴氏

興教坊郭邦畿妻年二十夫故子女亦相繼亡筑筑茹苦四十餘年矢志靡他奉

旨建坊旌表

邵氏

庠生于應登繼室撫前子是揚如已出舉一子建啟而夫卒時年二十三矢心守義孝事翁姑鬻衣

飾勤織紡甘旨之奉未嘗乏姑常曰我非此婦何以終年教子是揚建啟俱游泮有聲是揚尋卒遺子泰

徵方七歲邵仍保抱鞠育以迄成立盖有造於子錫生甫數日邵仍保抱鞠育以迄成立盖有造於子

氏四世云

解氏

景郭里張士登妻登早亡越二年翁亦亡夫兄士春士澍相繼殞子姪未離襁褓家貧如洗解縫紉

為傭以終大事撫幼子鎔成立士春遺子鑄士澍遺子第解撫之不異已出康熙六年巡鹽施批准旌表

荆氏

郭琛妻產一子不育琛病草氏慟語母曰兒無姑何依無孤何撫願及其未瞑先死以博一顧母恩

未報請侍來生母止之不得遂覓毒藥自吞腸斷指裂見者雨泣琛目之而逝事聞建坊旌表

陳氏

生員荆文印妻臨湘令陳澄度女也年二十四夫亡無子守節立孤撫如已出事孀姑二十餘年備

極色養長女適郭琢十八歲吞藥殉夫人謂女烈由於母節公舉苦節撫院噶及學院汪咨明彙題以汪

升任未蒙旌表

郭氏

增生荆文漢妻年二十四漢亡立孤撫之成立與妯陳並矢栢舟人稱荆門雙節

靳氏

荆世芳少姬世芳歿氏年二十五歲正室王氏憐其年少無出命之改適氏矢志不移氏族姊亦為

世芳副室生有二子氏協力撫育迄于成立年七十五歲尚習勤不倦

趙氏

郭斗乾妻年二十四守節績布撫孤歷六十餘年壽八十五卒邑令錢萬選旌其門

陳氏

徵君王含真妻徽州守王紀女少莊靜知詩書事舅姑以孝聞徵君未筮仕卒子默方七歲嘆曰王

氏宗若綴旒唯是呱呱在耳愛之不啻所生家故素封念默有痼疾不欲勞之內外皆一身經理井井有

條艱苦三十餘年又念三門孝廉伯無子以次孫錫銘告廟立為嗣孫性樂施予遇脩學建橋大工不惜

百餘金捐助辛未大饑免佃戶房田租又出穀數百石煮粥舖餓全活不啻千人凍者施衣不能葬者施

棺邑人多戴德者壽八十終九號賢母云

廉氏

庠生喬應訪妻年二十九而寡矢志守節孝事翁姑遭荒歉勤苦紡織供養不衰葬祭盡禮撫子島

游洋洋有司旌獎

王氏

下任里張節妻夫早卒遺子素位甫逾月王守節撫孤比長娶妻舉一孫而素位死婦亦他適王抱

育遺孤值荒亂顛沛流離祖母弱孫相依為命後獲成立學道錢巡鹽胡皆旌其門

令狐氏

西岳里畢文禮妻年十九喪夫遺二孤皆在襁褓有勸其更適者氏即剪髮晝夜織紡撫二子

成立年七十餘卒

趙氏

喬申里楊公喜妻年二十八守節撫二子道正道端成立年八十餘卒

路氏

趙遵宋妻年二十而寡或諷之改志路氏以刀斷指自誓不二撫子龍章成立年七十卒

高氏

廩生荆欽章繼妻少
年守節撫子成立

侯氏

廩生路宏運妻武舉懋
績女年二十六守節

李氏

景登選妻守節撫
孤康熙十一年奉

旨旌表

任氏

陳可濟妻濟以歉歲饑死氏忍
饑營葬畢慟哭于墓遂投井死

張氏

高起鵬妻烏茅府別駕問德女撫孤子曜成立游
泮子死撫孫維持高氏三世守節六十三年壽九

卒而

邱氏

張厚學繼妻二十六歲守節前室二子如巳出
教之成立游泮苦節三十六年孫璞璽壬辰進士

荆氏

庠生郭為翰妻定襄訓導金祺女年十七歸翰甫
逾歲翰隨世父任卒於家歸時氏在外家聞

計即陰覓毒藥置襟袖間適歸撫柩泣血和醋吞藥
家人急救得甦然誓心殉死故食生冷物或日一食

未半年遂致
疴瘠而卒

王氏
歲貢荆冲奎妻康熙二十九年奉

旨建坊旌表

張氏
王國信妻年十八守節

孔氏
景君順妻年二十三守節

席氏
王公辛妻年十六守節

管氏
荆春陽妻年十八守節

朱氏
張其勲妻

許氏
增生邵憲克妻

李氏
許壯行妻二十五歲守節事姑孝撫孤姪如子邑令陶旌其門曰節孝可風

荆氏王謙益妻守節四十年教子愿入泮

陳氏生員張志瑾妻撫孤育孫苦節四十四年令終

荆氏楊廣妻廣溺水死氏年二十一食貧撫孤守節四十年而終

陳氏喬震蔚妻

曹氏郭天錫妻年少家貧苦節撫孤歷五十年邑令陶旌其門曰操比栢舟儒學宋給扁曰筠節可風

張氏荆天福妻年十七夫卒生子甫三月值歲饑翁欲嫁之氏抱子哭曰賊死命也奈何再醮辱家門翁

逃荒河南遺七旬祖母姑氏紡績供菽水不受凍餒後數歲翁歸見老母康健孫已長成大喜已乃大慟曰

我負孝婦矣攝縣事錢萬選表其閭曰節孝留芳平陽府司馬潘給扁曰金石盟心今六十八歲

郭氏興教坊張繼先妻先家貧謀生在外十年氏勤織紡事舅姑撫幼子未嘗出一怨言及夫卒氏堅心

守節艱辛脩嘗歷四十餘年署縣事錢萬選旌其門曰節孝雙全今七十五歲

張氏

興教坊杜維祺妻

曹氏

原頭里張運泰妻二十五歲守節

王氏

崇道坊生員荆含璟妻十九歲夫亡遺子歲餘翁姑哀邁兼遭饑荒氏矢志守節屏絕華飾不苟言

笑凡田園農務經營勞苦撫子君度成立補邑庠生

令狐氏

景楊里耿增立妻二十三歲守節無子冰操自矢苦節四十八年

董氏

四大夫屯陸春林妻十七歲守節無子撫二女成立適人氏栢舟自誓署縣事錢萬選旌其門

管門雙節

曹氏兩楊里管廉妻二十一歲守節子方一歲氏撫育二十二年為子娶婦趙氏子又歿

姑媳相依誓不他適鄉人稱其兩世苦節焉

王氏

楊尉里大閭村王維緒妻年二十九歲守節撫孤年五十五歲而終

樊氏

原頭里張新雅妻夫亡時年二十五歲矢志守貞撫子孫成立壽八十終

王氏

三相坊庠生荆佐駙妻年十八歲夫亡守節孝事舅姑行年六十餘

關氏

三相坊荆佐彭妻夫亡時年十七歲立嗣守節現行年六十餘

王氏

大陳里張運福妻年二十一歲夫亡撫孤事親人稱完節

雷氏

大陳里張璞輝繼妻十九歲夫亡無子苦志守節行年六十二歲

范氏

大陳里秦生妻

楊氏

大陳里張金仲妻年十八歲守節

劉氏

拔貢生令狐永年繼室夫亡年方二十六歲撫前子言東如已出教誨成立康熙丁酉科登賢書壽

七十餘卒

尚氏

廩生令狐永田妻年三十歲守節教子言庸讀書游泮守節四十年壽七十一卒

王氏

崇道坊荆文貞妻年二十三歲夫亡子方四歲永操自持撫子成立

杜氏

興教坊衛既誠妻年十九夫亡子甫周歲紡績撫育成立

楊氏

興教坊衛既溫妻年十八夫亡子二齡氏紡績教子成立

韓氏

齊村里李喜中妻年十八夫亡翁姑年逾七旬六竭力奉養撫弱子成立翁歿貧不能葬典子棄事

楊氏

景楊里柳自隆妻年二十二歲守節壽七十五卒

張氏

任柳里王作朋妻年二十三夫亡守節四十七年歲歉濟穀十五石每歲施茶米一石本族公修祠

堂氏獨出銀十兩署縣事錢表其門

馮氏

翟任里許惟慎妻年二十守節子方彌月氏辛苦自甘教子成立署邑事錢表其門

張氏

翟任里許爾福妻二十九年守節

張氏

翟任里許繼雙妻二十八歲守節

董氏

四大夫屯陸法贊妻二十二歲守節

王氏 翟任里樊龍章妻二十歲守節撫遺腹子

張氏 宏度成立年七十一而卒督學道到旌獎

石氏 杜村里原慎妻年二十七守節三相坊荆文運妻年二十歲守節子市三月

王氏 孀姑年老氏紡績事姑撫子成立合邑公舉年二十五守節

衛氏 興教坊郭四教妻年二十四守節百俊里令狐士誠

孫氏 陳張里王俊學妻三十歲守節今八十三歲邑令陶自悅旌其門

張氏 翟任里沈滿斗妻年二十三歲守節

王氏 興教坊荆起端妻夫亡一子一女衣食不給窮瘁萬狀不易其志其夫之弟將奪而嫁之氏聞之投

井而死

張氏 陝西流民史書妻齊村張進才女史行醫糊口染疫而死惟遺一女氏父勸其他適氏正色曰從一

而終義也進才潛受人聘氏聞其謀寄女於史之友自縊而死

裴氏

貴戚坊張文華繼室年二十三夫亡止一幼女冰霜自持紡績撫其女適人年六十二而卒

閻氏

趙自清繼室年二十七夫亡子方一歲前女適十歲畫耕夜績撫子女成立前女適劉氏夫婦相繼

早死遺一女在抱氏育之為擇配年六十七而歿

王氏

三相坊暢恩秀妻年十八夫亡一子周歲氏栢舟自矢撫子成立

劉氏

兩楊里姚養生妻年二十八夫亡一子三歲一子方彌月衣食不給窮苦備嘗卒撫其子成立

張氏

四大夫屯黃益福妻二十歲夫亡舅姑老病家計蕭條氏上事舅姑下撫二弱孤艱苦萬狀舅歿不

能殮葬典其少子以襄葬事人稱節孝兩全焉

衛氏

貴戚坊潘成緒妻二十三歲夫出亡遺二子俱幼姑姪及姪相繼亡氏拮据營葬連舉三喪撫子有

成行年七十三歲

陳氏庠生喬雲書妻于歸二載而雲書卒年甫十六栢舟自矢弱齡苦節論者過之

王氏齊村屯逢福貴妻年二十三夫故連更荒歲忍饑茹毒矢志彌堅撫遺腹子得官成立家亦漸裕邑

令宋旌其門

荆氏荆楊村庠生衛夢麟妻年少年守節數孤子繩康遊庠康熙二十八年奉

旨建坊旌表

李氏杜村庠生原始崑妻崑甫遊泮而卒子歲李年二十二矢志守節義方垂訓厥後孫曾林

立寄淳良守業得於李氏之教為多壽九十三而卒邑令宋旌其門

王氏曹家營關時明妻年二十一夫卒食貧勵志績維育子始終一節邑令宋表其門

路氏大范村吳光耀妻夫亡時年始十九即屏絕華飾矢志守節教育遺孤克孝力學遊泮邑令陶旌其

門

陳氏

小陽村衛周慶妻慶早世子密孫廣心皆不永年及曾孫介三世遺孤皆陳氏一身苦節撫育老而不

倦凡歷六十餘年壽九十而卒邑令封旌其門

暢氏

大閭村王命召妻二十六歲召卒三孤皆幼家徒壁立暢茹荼撫孤皆有室家孫踐鰲幼失母時暢

已老猶躬自鞠育教之就學補邑增廣生初暢如董氏亦孀居無子暢以已之幼子出繼引董同居以成

其節人謂暢愛其身施及其妯云

王氏

貴戚坊曹宏毅妻二十六歲守節行年七十鞠子成立

鞏氏

孫里孫培初妻家貧子幼迄無他志苦節四十年人高其義邑令陶旌其門

楊氏

王寮村庠生南克明妻明卒時楊年二十三念姑老子弱立志守貞治家嚴整內外肅然奉養老姑

孝謹盡禮諸娣姒皆奉為儀型焉

王氏

南景村羅麟定妻二十七歲守節食貧作苦晨夜績日無虛晷育幼子天秩卒至成立人以爲難

曹氏 崇道坊陳立法妻夫亡時子成貴猶在襁褓家無
擔石之儲曹銜卹茹藥誓心撫孤卒完其節壽至

十八

王氏 鍵北庄張洪鶴妻鶴卒時子元順猶呱呱在抱王
憑棺矢志泣血營葬未盈月鶴之兄弟將奪而嫁

之陰受人聘矣王察其有異志夜抱其子潛投母家
獲免時其母亦老孀又無兄弟可依更值明季連歲

饑饉屑草根木皮為食子長母卒始歸其家娶婦育
孫艱辛備嘗壽九十一而卒邑令吳旌其門孫曾皆

秀異向學慎行已遊庠序人謂苦節之報云孫問達
妻王氏亦年少孀居勵志守義得於祖姑之教多矣

姚氏 東里寺孟仕秦妻二十六歲夫亡舅姑及夫弟相
繼歿姚茹荼銜卹喪葬盡禮立姪四參為後教育

成立勤苦三十餘年而卒

郭氏 董家庄儒童劉文煊妻年十八歸煊末期而寡并
無子女郭誓不他適閱數年夫兄生子思溫撫以

為嗣教之讀書其繼姑尋卒遺子女未離襁褓郭
又躬鞠育之皆有室家節義之聲孚於里黨云

岐氏

百里店張所性妻夫亡時翁姑皆年八旬孤子問行在抱又值荒歲伶仃孤苦岐終無他志仰事俯

育兩無遺憾里人公製錦以表其節孝焉問行尋補邑庠生

陳氏

香落村庠生張中侯妻產於儒家幼嫻女訓夫亡無子誓不他適立姪象崇為嗣教以義方崇勤學

力耕不負母志焉

張氏

荆楊村韓臨妻臨暴卒張慟不欲生幾以身殉已念遺孤未成乃勉食營葬守節終身

岳氏

孫里孫騰蛟妻甘貧守志教二子作新更新服勤力穡皆稱克家云

牛氏

大閭村王遵法妻荒歲食貧守志不撫養孤子誨乾卒至成立行年七十六

陳氏

東里寺孟仕晉妻夫亡子幼翁姑隨歿更遇侵歲盜賊竊發陳永夜績紡設以自衛教有孤子四

輝游庠有聲鄉里咸欽其節焉

楊氏

董家庄劉應翼妻夫亡時楊年二十三子文靖甫周歲楊守志謹身外户不窺撫孤成立

曹氏

郭村何紹先妻二十六歲守節邑令宋旌其門

陳氏

百俊里喬萃秀妻夫亡無子立孫承祀苦志守節行年七十一

張氏

王寮村王懋績妻二十歲夫亡甘貧守志啣卹撫孤苦節淑行里黨稱之

喬氏

張嵩村張宗賢妻年二十而寡更歷荒歲茹苦育孤卒完其節

荆氏

貴戚坊儒童楊敏妻早寡無子家徒壁立恒數日不舉火荆矢志益堅績紡自給嘗患背疽幾死族

衆欲為延醫荆正色曰死即死耳未亡之軀豈容他人見耶堅拒之卒亦無恙

趙氏

杜村解東河妻夫亡時以老母弱子為托趙即斷髮以死自誓卒之事姑盡禮撫子成立人以為難

馬氏

南陽村張廷實妻夫亡無子立姪台觀為後教養不異已出台觀以例任潯州府經歷

樊氏

東里寺孟延楚妻二十四歲守節

吳氏

孫里孫士元妻夫亡無子艱純節終始不易行年六十三

王氏

百里店張奇觀妻觀早卒王脩嘗艱苦矢志彌

楊氏

大閭村儒童王九一妻于歸三載而寡年甫二十矢志無他育遺腹子救百辛脩歷娶婦生孫生平

持身嚴謹非大事不出外戶人稱艱貞焉

曹氏

田村王國秀妻年十九秀卒子甫二歲曹金石心勤儉治家卒之家道殷實子孫成立壽七十九

孫維屏

楊氏

杜村岳國英妻年二十五而夫亡子作基在抱鞠育教誨恩勤脩至作基後補邑諸生楊壽八十一

而卒

張氏

荆楊村杜如密妻夫亡時張年二十二子長德甫五月張家貧忍饑銜血育孤卒至成立

常氏

東里寺孟仕齊繼妻年十五歸齊二十三而寡止生一女誓不收捺撫育前室子思勤脩至孝事老

姑終始不懈節孝之行遠近稱之

劉氏

郭村梁康魏妻年少守志教有孤子乞唐愛

楊氏

杜得福妻見傷強暴自縊而死

荆氏

上趙村李全敬妻年二十三而夫亡歲荒家貧誓

曹氏

衛村衛元青妻年少孀居姑憐其無子欲使他適

成立卒全其節

孔氏

上趙村李繼緒妻緒早死孔號慟不食將以身殉

黨敬畏之

龍氏

尉家營張士秀妻十九歲守節

衛氏

三相坊王佐臣妻年二十五守節教子育

李氏

曹家營袁春奇妻夫亡時年二十三撫孤守節邑令陶表其門

賈氏

郭村梁邦楨妻夫亡子幼矢志不他苦節歷年孫魯材立壽七十六邑令楊旌其門

陳氏

南家庄裴得福妻二十五歲守節邑令錢旌其門

陳氏

香落村閭涑妻年二十四而寡茹茶作苦事姑育子卒完其節

趙氏

孫里孫守貫妻年少孀居子在此襁褓終始一節屢蒙有司旌獎

陸氏

南景村儒童羅綿妻年二十一而寡栢舟自矢教孤子藹慈不廢嚴藹卒能蜚聲庠序不負母志云

王門雙節

孫家庄王智妻李氏智弟信妻史氏智早亡子甫數月李矢志守義既而其姑與信相繼

歿姑遺幼子四人有在襁褓者李躬為乳哺偕娣史以嫂代母協力撫育皆至成立鄉人高其義節公舉

於縣旌表其門

楊氏

楊家庄柴天福義子全之妻孝事翁姑恪勤婦職全歿後福年老病癰不能轉側飲食起居楊躬親

哺掖五年不怠邑令李旌為孝婦

路氏 楊斜村儒童高自光妻年二十四光卒子一鳳南
三歲繼姑年亦相若始育一子路矢志守義事繼

姑盡禮撫夫弟一如已子族黨
賢之邑令趙旌其門曰節孝

景氏 太范村何昇妻年二十三夫亡撫孤
守義歷六十餘年邑令陶旌其門

齊氏 東里寺孟四臣妻夫亡無子堅心守
節立姪曰性為後邑令陶旌其門

尹氏 岐村庠生岐豐亨妻年二十九守節二
子異淑騫俱補邑庠生邑令錢旌其門

趙氏 郭村儒童陳克容妻生於儒家幼嫻女訓二十五
歲而寡子世爵始齧齧趙誓不他適撫子成立邑

令錢旌其門

陳氏 王景村儒童劉來遠妻夫亡無子立姪
炳為後孝事翁姑義方訓子炳後遊泮

王氏 二節 初村庠生王化龍妻楊氏苦節四十九年教
育遺孤作霖遊泮娶婦李氏生孫馨三歲而

作霖卒李年二十五事姑撫子孝
慈備至歷五十年邑令宋旌其門

李氏

楊家庄解清之妻早寡矢義績維育孤邑令趙旌其門

王氏

智先村陳舉業妻夫亡無子誓不他適為夫立後茹苦鞠育卒至成立署邑令錢旌其門

李氏

張嵩村張三希妻二十七歲守節撫子宗珍成立壽至八旬而卒

卽氏

岐村岐建猷妻二十三而寡荒歲食貧矢心守義撫孤大愷遺腹子大忻俱至成立

張氏

大陳村庠生程藝妻年二十四而寡姑老子幼食貧作苦婦道毋道兩無憾焉

任氏

原頭村關掄妻明太守汝亮裔孫也早寡無子立嗣守節事翁姑以孝聞邑令宋旌其門

李氏

智光村陳大受妻年少孀居矢志守義撫幼孤九錫成立署邑令錢旌其門

王氏

張嵩村張泰春妻年少孀居子集賢未周歲食貧作苦育之成立

卽氏

東岐村王惕修妻十九歲而寡子女無所出立姪夢麟為嗣教之力學遊泮夢麟尋卒復撫孤孫備

歷茶苦老而不倦署邑令錢旌其門

王氏荆楊村曹啟倫妻年二十二而寡止一弱女念翁姑家貧無依誓不他適其母不能奪其志後更荒

歲王恒數日不食而菽水之奉不缺於供翁姑老病倚之不啻如子蓋三十年一日也

張氏張嵩村路爾銓妻夫亡時年二十三子甫脫於懷張砥節撫子孝事翁姑不以家貧廢禮署邑令

錢旌其門

馬氏

解州介元亮妻夫亡子幼田荒賦累盡委棄之徒身携二孤文彰文覃適邑之太候村依其姻戚寓

居晨織夕績艱苦備嘗食其力以鞠其子皆為授室諸孫林立家亦粗立遂寄籍焉壽八十五署邑令錢表其門

解氏

杜村庠生龍養麟妻麟早卒親老子幼并無宗族龍氏之脉不絕如縷解氏志竭力仰事俯育教子

魚化及孫光俱遊庠序里黨重其節公舉於縣旌表之

何氏

王鑑村令狐禹基妻年二十四而寡念夫少孤早卒宦裔式微欲以節義自見勵志堅守撫育二子

來印來安皆至
成立壽七十餘

陳氏

大楊村馮養信妻夫亡無期功之親可
甚踰三月始有遺腹子斗斗陳誓不他適家益落

而志益堅卒
完其節焉

李氏

黃寶景村王克遜妻遜兄弟繼歿姒亦他適李茹
苦砥節撫姪如子姑老病委頓床褥間奉養不怠

克終其天年
有司旌之

雷氏

王鑑村令狐先圖妻夫亡家婁子女皆幼雷勤身
紡織以育遺孤婚嫁之資皆出十指間署邑令錢

旌其門

張氏

西岐村岐開敏妻年少守志孝養翁姑教
育遺孤鄉人稱之署邑令錢旌表其門

趙氏

水南村張延敬妻二十一歲而孀家窶翁老半菽
不給撫五月之孤砥志守節始終不怠論者聽之

郭氏

上趙村李全忠妻內外家皆儒族夫亡子幼義
命自安誓不他適鞠子成立署邑令錢旌其門

張門雙節

下庄村張從仁妻侯氏從禮妻馮氏仁禮兄

苦與共相得無間仁子滿湛禮子澤

胡氏

孫里孫淑禹妻禹歿時子聯科未彌月上下

路氏

王鑑村令孤居慎妻夫歿子殤誓不易節為夫立

四十餘年而終

姚氏

三里張士智妻夫亡無子立姪思戢為後教

令狐氏

東里寺陳應明妻家貧守節不肯乞貸於人督

立壽至八十四

何氏

孫里孫安楚妻年二十四夫亡子甫歲餘栢舟自

紀氏

荆楊村杜繼秀妻秀幼失明紀自于歸克執婦道

矢志彌堅卒全其節邑令錢旌其門

胡氏 小南村王克宏妻歸二載而寡年甫十九泣誓天志不可奪閱六月生遺腹子廼畏乳哺教誨

愛而能勞事翁姑處妯娌撫孤姪各當其心人無間言遠近稱之

閻氏 大范村何顯儒妻年二十一而寡教子士忠遊庠邑令宋旌之

拓氏 南陽村陳美發妻夫不慧拓事之無失禮年甫二十而寡矢不再醮尋其子亦死子身茹毒終無二

志邑令陶錢屢旌其門

李氏 北王庄程宏有妻二十五歲守節荼毒備嘗歷五十餘年撫子成立

閻氏 南陽村儒童張廷言妻夫亡無子立從子為後翁姑衰白奉養盡禮邑令宋旌其門

令狐氏 百俊村郝進秀妻二十三歲夫故一子甫脫於懷家復赤貧令狐冰霜自歷艱彌篤撫孤成立人稱完節

杜氏 增生曹際唐妻儒家之女二十七歲夫故砥節茹荼撫孤子鳴遠成立邑令吳旌其門

管氏 黃竇景屯劄歲妻

薛氏 王鑑村胡增福妻夫亡無子守義食貧立義子為嗣卒完其節

荆氏 原頭里杜周林妻二十五歲守節撫子育孫壽七十餘署邑令錢表其門

王氏 百里店陳大有妻夫死於外家貧子幼苦志堅操鞠子成立邑令趙旌其門

荆氏 楊家庄楊廣妻年少守節撫子京何成立壽至七十四有司旌之

賈氏 李漢村李天良妻二十七歲守節屢更荒歲守志彌堅署邑令錢旌其門

高氏 黃竇景屯程振法妻夫死不嫁食貧育孤撫猶子不異已出族黨稱之邑令宋旌其門

柴氏 荆楊村曹希先妻二十二歲守節子甫半歲食貧鞠育卒至成立

張氏 神後堡穆發財妻家徒壁立撫育弱子成立

王氏 北王庄程繼世妻年二十五而夫亡王無所出立志守節以姪為子教之義方鄉人稱之

石氏

原頭村何宗文妻孝事翁姑各得懽心翁老病失明委頓床褥反側需人石躬掖起居哺飲食七年

不見怠容翁壽九十餘而卒鄰里稱之邑令錢旌為孝婦

趙氏

東里寺李麟照妻二十七歲夫故子柱幼弱趙食貧作苦撫養有成娶婦生孫鄉人題之

張氏

張嵩村儒童喬子治妻產於儒家幼嫻禮教夫亡守義不嫁撫孤子遇旦辛勤備至卒獲成立

王氏

陸喜營錢賜福妻夫亡子幼翁姑垂白王矢志守義更歷荒歲艱苦備歷卒完其節

卨氏

初任村郝壯闢妻闢荒歲負販於河南抵家而歿於疫子大成甫五月卨年二十三矢志守義育孤

有成署邑令錢旌其門

許氏

興教坊郭春全妻夫亡無子舅姑衰白許矢志無他立甥金保為嗣躬履南畝率子力穡以養翁姑

節孝之聲孚於里黨云

張氏

荆楊村杜宏度妻早年喪夫二子甫脫於懷誓不改適翁姑歿鬻積布營葬苦節五十餘年而卒

王氏

杜村劉高利妻年十六而夫死子承鳳甫半歲苦節堅守六十年孫魯林立邑令錢旌其門

何氏

尉家營衛得良妻夫亡遺子始彌月何誓志不嫁撫孤事親署邑令錢旌其門

翟氏

馬家營生員荆作賴妻夫亡無子矢志守義立義子生孫而卒婦亦他適復撫其孫成立壽至八十

旌其門
餘邑令陳

鄧氏

陳張里陳淑妻二十七歲守節邑令陳旌其門

王氏

焦家營褚舍經妻家貧守義撫育二子君常君明力田作善諸孫林立家計克裕署邑令錢旌其門

楊氏

楊庄薛雲吉妻二十四歲守節撫孤子起德成立

景氏

興教坊裴垣晉妻

王氏

大陳里翟朝璋妻

楊氏

下任鎮王道中妻二十三歲守節

任氏

原頭村石南王妻年二十四而寡二子淑忠淑孝皆未免於懷任誓志撫孤教以義方孝養翁姑喪

葬如禮鄉

里敬之

于氏

原頭村關文斗妻二十二歲守節家貧子幼于撫娶婦生子而理又亡遺子女四人于復以育子

者育孫艱苦備嘗有造於關氏三世焉

猗氏縣志卷之六

流寓

白駒好賢之詩也然苟非其主則雖繫之維之亦惟有
空谷遐心耳故孔子居衛以衛多君子也舊志傳百里
奚客郇今葬處猶稱百里店猗頓入晉亦客郇今縣以
猗氏冠夫讓大美而不居則此邦之人其賢可知矣嗣
是而碩儒名士遷客騷人多寓于此或以德業著或以
文詞顯故特增流寓一科而亦見此邦之可懷也

周

猗頓

魯人家貧問術于陶朱公適西河大畜牛羊十年間
貲擬王公常居郇瑕地故名縣曰猗氏太史公曰

諺有之長袖善舞多財善賈其倚頓之謂乎夫一介之夫去鄉閭託異縣非其才有大過人者惡能地以人傳乎戰國之時尚意氣重然諸頓亦必劇孟者流雖以賈起家其財善聚亦復能散非如石季倫終焉奴婢所笑也

唐

杜

南

南酬冠侍御錫見寄詩有曰往別郇瑕地於今四十年又哭常大夫之晉詩曰悽愴郇瑕邑差池弱冠年蓋南年少遊吳越齊趙凡八九年始歸東都則弱冠時必嘗居狩故不能忘情而屢見於詩也

明

成德

字赤公江南人崇禎辛未進士任滋陽知縣勅首輔溫體仁誦戍臨晉聞邑何肖山中丞家藏書甚

富寓居萬卷樓發篋披讀寒暑不輟如是者二年起兵部主事甲申三月殉難

國朝

閻爾梅

字古古江南沛縣人明崇禎庚午舉人順治初避地至荷易姓名爲翁藏若寓王似鶴先生園

中詩酒自豪刻燭百韻
立就唱酬年餘乃還

列國諸主折節成風其於魏挾策而來者必不止一
魯生也而頓獨以名傳羸秦在前征戰不休強兵必
先富國可謂救時智士矣吾惜其教授者不與偕來
而使之久客西河也

狹氏縣志卷之六
藝文志
一、詩
二、書
三、禮
四、樂
五、易
六、春秋
七、傳
八、記
九、序
十、論
十一、說
十二、書
十三、表
十四、奏
十五、議
十六、疏
十七、劄
十八、狀
十九、啟
二十、牒
二十一、移
二十二、牒
二十三、移
二十四、牒
二十五、移

猗氏縣志卷之六

古蹟

蹟古矣所傳聞異詞而欲依以爲據得毋疑其誕而不經乎然梅花遶屋猶傳學士之居蔓草盈碑還識中郎之字凡一邱一壑前賢之所卜築杖履之所逍遙縱令寂寞亦可千秋至於城墉堡壘賢侯宿將之經營也古人雖往勝蹟難湮不紀其地表其人書其事漠然鴻爪視之不幾貽吊古者之憾哉志古蹟

卽伯故城

在縣南十八里城高二丈許四垣八門遺址宛然周文王第十五子所封國詩卽伯勞之

左氏春秋傳必居卽城氏之墟皆謂此其南三里許有涑水故道今俗傳以爲漢猗氏縣故治誤

八士故里

縣北南景村

令狐戌

在今縣西十二里今狐村春秋晉置戌於此左氏傳呂相絕秦曰我是以有令狐之後即此

猗頓宅

縣南二十里王寮村水經注云孔叢曰猗頓魯之窮士問術于陶朱公告之以畜五特乃西適

猗氏故曰猗頓也漢名縣取此其地建陶朱公廟

神羗堡

縣東北十五里峩眉坡漢高蜜侯園安邑定河東屯兵于此

北平故壘

在今廟後即北城址也唐馬燧討李懷光築壘於此故老謂其版築之跡異於他處至今

人猶謂其地為古縣云

杜如晦故里

縣南十里即今杜村堡

陳克基故里

縣西北二十里陳翟村

南仲故里

縣南十里南家庄

凍水故道故道有二一在縣東南王鑑張嵩太侯上庄等村境一在縣西南祁村曹家營境

佛骨疊在大楊村佛寺前

猗氏縣志卷之六

邱墓

周禮墓大夫掌邦墓之兆域而爲之圖芻牧者繩之掘
發者刑之又以荆榛封護使勿得與平原埒蓋其德有
餘馨故遺邱斷壠百世後猶堪起敬也猗之邱墓其湮
沒無傳者多矣至如八士墓猶昭昭在人耳目間而自
周迄漢以及有明或達而在上或窮而在下事業文章
不朽則邱墓亦與之不朽也

周

八士墓

在縣北南景村明隆慶初岷崩石出僅辨八
士數字偏傍模刻邑紳何東序有詩詠之

百里奚墓

在縣西北隅

猗頓墓

在縣南王寮村

漢

陳平墓

在縣西北十五里

鄧禹墓

在縣東上李村邑紳何東序爲題路碑

翟方進墓

在縣西翟村順治十六年大水後碑表始出詳藝文

晉

王毛墓

在縣西關外演武場西有二塚其西一大塚是

唐

馬燧墓

在城北門祠左

靳將軍墓在城內太清觀西北

張嘉貞張延賞張宏靖三相墓在城外西南隅

魏徵墓在縣東北石家庄東南

崔公弼墓在縣西北李寺村

羅誠墓在縣北羅村

李自良墓

韓忠環墓

金

南仲墓在縣西南香落村

陳克基墓在縣西北陳翟村

元

陳靖宣公墓

在縣西北
陳翟村

王庭祥墓

在縣西北
南田村

明

中丞何東序墓

在縣西十里
范屯東勅建陳

司寇荊州俊墓

在縣東五里
關景村南勅建黃

猗氏縣志卷之六

寺觀

今琳宮梵宇遍天下矣釋談寂滅老尚虛無此儒者之
所以欲火其書而廬其居也然碑額皆出勅賜營度特
遣宰官瑤宮貝闕相沿日久夫誰火之而誰廬之歐公
有言修其本以勝之夫苟修其本以勝之琳宮梵宇適
供遊賞雖與學舍併存可也

妙道寺

在縣治東北元至元間建有浮屠二見八景
明洪武初置僧會司于內今更名鴈塔寺

仁壽寺

在城東北二里我蜀南麓金真元三年勅建有
浮屠大佛閣舊名聖壽寺明洪武初併洪福千

佛廣福壽聖聖安慈
氏寶泉七寺入焉

龍巖寺

在縣東十八里唐貞元二年勅建金皇統五年重修明洪武初併大雄洪果二寺入焉有夜月

亭見八景

靈巖寺

在里寺村內藏經三千餘卷今缺失

又有洪化寺在齊村重興寺在小閭村石家莊興國寺在尉庄村李漢村楊斜村慈氏寺在楊庄村初村大覺寺在大范村羅村井泉寺在南王庄石佛寺在大閭村大楊村千佛寺在陳范村香落村永福寺在荆楊村峨嵋寺在下任鎮西原頭寺在本村有浮屠廣福寺在下趙村興佛寺在孤村洪果寺在王寮村慧商寺在景滑村彌陀寺在姚村洪興寺在上庄村壽聖寺在黃儀南張岳鎮下陳村初村寺在本村龍泉寺在王景村靈岩寺在田村聖庵寺在張村有浮屠達摩廟在翟村南白衣觀音庵在學西北觀音堂在鴈塔寺西非勅建不具列

太清觀

在縣治東南金大定中建明洪武初併天寧萬壽清真三觀入焉置道會司于內

猗氏縣志卷之六

寺觀

今琳宮梵宇遍天下矣釋談寂滅老尚虛無此儒者之
所以欲火其書而廬其居也然碑額皆出勅賜營度特
遣宰官瑤宮貝闕相沿日久夫誰火之而誰廬之歐公
有言修其本以勝之夫苟修其本以勝之琳宮梵宇造
供遊賞雖與學舍併存可也

妙道寺

在縣治東北元至元間建有浮屠二見八景
明洪武初置僧會司于內今更名鴈塔寺

仁壽寺

在城東北二里我岢南麓金貞元三年勅建有
浮屠大佛閣舊名聖壽寺明洪武初併洪福千

佛廣福壽聖安慈
氏寶泉七寺入焉

龍巖寺

在縣東十八里唐貞元二年勅建金皇統五年重修明洪武初併大雄洪果二寺入焉有夜月

亭見八景

靈巖寺

在里寺村內藏經三千餘卷今缺失

又有洪化寺在齊村重興寺在小閭村石家庄興國寺在尉庄村李漢村楊斜村慈氏寺在楊庄村祁村大覺寺在大范村羅村井泉寺在南王庄石佛寺在大閭村大楊村千佛寺在陳范村香落村永福寺在荆楊村峩峩寺在下任鎮西原頭寺在本村有浮屠廣福寺在下趙村興佛寺在令狐村洪果寺在王寮村慧裔寺在景滑村彌陀寺在姚村洪興寺在上庄村壽聖寺在黃儀南張岳鎮下陳村祁村寺在本村龍泉寺在王景村靈岩寺在田村聖庵寺在張村有浮屠達摩廟在翟村南白衣觀音庵在學西北觀音堂在鴈塔寺西非勅建不具列

太清觀

在縣治東南金大定中建明洪武初併天寧萬壽清真三觀入焉置道會司于內

寶峰院

在東朝
村勅建

又有朝陽觀在百俊楊村
陽洞在黃岡景村亦不具列

猗氏縣志卷之六

仙釋

堯命契曰汝爲司徒敬敷五教蓋人倫明而後三綱正
五緯平萬事萬物咸理焉二氏之學棄君臣父子夫婦
昆弟朋友之倫而入於寂滅虛無之教烏可訓也然韓
昌黎最不喜佛老至送浮屠令縱序則云君子與其進
可也進之時義大矣哉進虛無於篤實進詭異於中庸
則道無二致仙梵同歸故姑錄之亦神道設教之意歟

隋

曇延

猗氏侯王卓之後周齊間延年十六有奇表身長九尺手垂過膝目光外射初聞講涅槃經悟旨遂

住河東棲巖寺詞辨優贍有薛居士者學總元儒聞而謁之言詭相高戲題方圓動靜四字命延體之延應散曰方如方等城圓如知慧日動則識波浪靜類湟盤室薛驚嘆曰由來所未見希世挺生即斯人也開皇間旱命延禱之甘雨大注墓祠在臨晉縣北二十里舂子村西猗氏志在古桑泉北二十里

明

張三丰

平陽人一云荷氏人有仙骨修髯如戟膚如冰雪曾路遇一少年殊自稱麻姑教以四味龍芽

後遊武當山登祝融峯爵梅花滿口朗誦南華秋水篇觀海上日出大呼曰雲海蕩吾心胸明太祖咨以時務曰惟本忠孝後成祖遣胡濙物色之終莫能得

洪濟禪師

靈巖寺僧演通大小乘法遊金陵明太祖以風雨彌旬不憚募有能止者師應詔於錫一

呪即便開朗太祖為之印經一藏給傳以歸化骨于本寺

大陳

小陳

太清觀道人叔侄也得顛術踪跡詭秘人莫能測常于夏日張表戲語人曰日烈甚

宜入張中避之遂喝張開鑽入後雲遊卿人于外報
遇之至怪問則常在也一日題詩壁間云蟠桃又報
熟瑶殿瑤觴開阿母慙勤意故
雲青鳥來止留空室莫知所往

高錄

高家槩人常于孤山採藥遇劉海蟠授長生訣坐
一窞寒暑不出後村人欲覓池忽出曰此萬古利

也當為若置石投人一鞭入山驅石若飛石至今存
官聞之欲以妖治遂自擇牛眠入棺卒葬畢一及妻
子不知所往墓在村後一洼水環
而不侵窞清確有馨人不敢居

猗氏縣志卷之六

祥異

天地不能有剝而無復人事不能有盛而無衰此氣運
流行之數而歷代災祥之所以必記也易曰君子以自
強不息其恐懼修省之謂乎然則拯災恤患無使一夫
之不獲不能無望於敬天勤民之君子矣故脩誌之但
母以鵲鳥爲神雀而使京兆尹竊笑於其後也

明憲宗成化二十年大饑人相食

武宗正德十年夏四月瑞麥生

初任里民植麥一畝栽
十本有一本二穗或三

四穗或五六穗者凡十餘畝三四穗者隨處
有之時知縣翟聰有惠政至九月禾亦然

世宗嘉靖七年大饑 十二年饑 二十八年春三月

有猪異 二即坡民家猪產子二頭八足少頃而死是年五六月境內猪死殆盡 三十四

年十二月十二日夜地大震 秦晉皆震有聲如雷冲天土氣轟轟然官民廬舍祠

宇大傾傷人畜無美

神宗萬曆八年九月殞霜殺稼 十四年亢旱雨砂

十五年蝗大饑 死者駢首相望賴知縣陳濟停徵大家幸有存者 九月三日

地震 民屋間有傾頽 十八年七月大水 平原白波沒民居甚衆 二十

年春三月大雨雪 四月二十七日常大雪三 二十五年

八月二十六日辰時井沸池溢 泛濫橫流數丈許踰時方止自太平至蒲州皆

然說者謂之水淫 三十四年夏大旱 麥盡枯如縣馬是年秋果多雨 逢慶中請預備

倉穀賑給
民不饑

五月星晝見十餘日 三十五年有年 三

十七年大旱 三十八年大旱 一十九年夏旱

四十一年大旱 四十四年六月飛蝗蔽天自東來數日不絕食

禾殆
盡

懷宗崇禎十一年夏六月蝗 十三年大饑人相食

十四年春大饑自十三年大饑到處木皮草根剥掘既盡復食人至有父子夫婦昆弟相食者

至是年春斗米麥自八九錢至一兩二錢一兩五錢六錢者黃昏人不敢行油一觔銀一錢八九分猪肉亦如之

麥方秀即擣食麥熟飽食得病黃腫而死者甚多有委麥于野無人收者

十七年春闖賊率兵東來歲前十二月逆闖李自成遣偽將自禹門渡河隨置偽令

安四達給羈鄉紳是歲正月十九日闖賊入縣勒餉攬金搜捕鄉紳故宦子孫極其慘毒自是兵馬繹絡東行

五十餘日不絕
六月二日闖賊自京敗遁復西走偽令安四達以酷暑

復縱所部掠河東諸縣清兵至乃盡遁

國朝順治四年六月蝗 六年四月虞允等倡亂土人從

之破城逐官總督孟喬芳敗之走運城是歲土兵倡亂所在響應全晉

震動賴總督提兵擊破之因走
十四年六月三日大

雨雹小楊村尤甚冰 七月一日辰時涑河水溢 十

八年五月二十日大雨雹杜村尤甚

康熙元年八月大雨霖自初九至二十五大雨如注晝夜不絕墻屋傾圮殆盡

八年三月旱 四月大雨雹時因旱祈雨四月十日辰刻暴風驟雨雹大如彈廟

壇屋瓦崩裂至午復大雨雹王村尤甚 八月十五初昏大風迅雷雨雹

前數日民訛言中秋大水至諒避者甚衆是日初昏大風雷自西北來烏雲四合大雨雹民大驚亂頃刻風息

雨止皓月復出 十年秋螽生青黑二色食麥葉盡遇微雨蟲愈多及冬化為蒼蠅額前有髮

蟄入土囊 十八年八月大雨霖彌月不止 三十年蝗蝻

損禾 三十一年大饑野有餓殍流亡載道 三十二年大疫民饑

甚衆病死者 三十三年大有年 三十四年四月初六日

平陽地震本邑同日本亦震 四十五年二月初六日雨土味如白

鹽 五十四年夏有年 五十九年自六月不雨至於

九月禾盡枯死 六十年饑 六十一年饑民多流亡

猗氏縣志卷之六

雜志

事不見於經傳則君子疑之然山海之圖經竹書之記載又未嘗無所本也絳老人之甲子防風氏之專車果終不可信乎此古人所以好學深思而不敢漫然以應之也猗氏志可傳者衆矣而亦有不符於古者亦存之入於雜志非外之也雜之者疑之也

任汝亮

左遷興國卒於官及歸葬有遇于武當紫霄諸峯者爭謂任公不死凡傳數年始定蓋任公生

平多異績故
沒有異徵云

劉以平

為諸生時夢入宮中見殿宇巍巍一王者命已使對奕又至一所見一對聯云鸚鵡能回千載

夢麒麟空卧萬年秋既寤語同學卒不鮮及出就路
傳以禮匡王王敬之如師遷陝西同卿過武則天墓

白楊蕭蕭翁仲半掩石刻
門對宛然如夢中所見

王荆王

既登鄉薦嘗讀書桃花洞中偶遶山後見蠅
吐冰瓦盈握乃取置囊中攜之歸次日大震電

繞其書室荆王益堅持之不釋手踰
時晴霽至今傳荆王能止雹災焉

原良相

杜村鎮人家殷實而性愿謹萬厯間嘗應本縣
倉老人監收穀石上手郭某交盤斗斛皆平良

相受之役滿下手荆某受代斗斛加重折數甚多良
相不敢辨願賠穀荆某不許欲白之官且率多人日

夜看守厥門以防良相私補良相亦慮荆有侵那而
嫁禍于已同一僕宿厥內局戶祝神夜半厥之東南

隅忽現紅光爛然如電良相伏地祝之愈切頻擲
粟穀無何穀堆漸通良相目所迫曉開戶穀大阜湧

出戶外衆駭異荆某有漁色曰穀必足額可勿盤矣
良相曰不盤何以登數時喧傳其事縣令陳諱經濟

聞而驗視盤穀溢額六十石令謂良相曰此穀得之
神佑汝可自取良相曰登庾之物誰敢擅出一粒請

給貧民以抵月報令義

靈楸

文廟東南隅有楸樹一株其年不可考每遇科年結角如筋驗其數以占舉子數卿會輒應遂相傳

爲靈楸

三異紀

明萬曆壬午大旱知縣賈一鶚祈雨于七月初一日設壇造龍陳釜初九日汲水壇隅井中有

赤龍附引而上與造龍色象如一但形不滿尺動盪蟠結浮在水面于是作文祭禱盛以巨盂覆以紗籠

十一日風雲陡出孟中騰向西南迅雷殷殷大雨霈降越二日乃霽是年有禾秀歉穗者又有一乳三子

者時稱三異勒石以紀

神將顯形

明嘉靖二十七年王鑑村楊錦妻范氏夜發付次子聯芳考試忽見天開西北有二神將

形像焉

巨卯

明萬曆十八年七月大水鳥停村有二龍鬪決旬縣西百里店灘獲一巨卯甚馨中搖磬置縣前

鮮能辨者送黃儀古剝後復
大米載去咸謂龍所遺也

灌田

明成化間有一工不知何許人
置水車教民灌田迄今賴之

火輪

明隆慶六年夏夜有火大如輪自西南墜
王鑑村楊鄉官家家竟無恙遂以為紀

曝布飛空

崇禎癸未秋方門口有曝果脚布于市者日
午布忽飛起旋遶空中漸至不見衆異之求

似鶴先生占馬課得天獄元武發用日貴受傷曰不
出一年城中兵亂縉紳有憂明年春闖寇入城縉紳

宦裔多以此
餉繫獄者

太史公謂談言微中可以解紛况識大識小皆與於
文獻之林耶故雖稗官野史人文襍糅其言不盡軌
於正義而觀風者存而不廢以其裨益見聞衡量得
失亦足資博洽垂勸戒也故博采旁搜即一事一物

之瑰異亦彙而列之以傳諸好事者庶覽勝懷古無
恣恣漸滅之嘆耳





